

宋

會

要

宋會要

錢謙

海州志卷三 班院

真宗咸平二年十一月左贊善大夫魏廷式同勾當三班時初授使臣殿最命廷式與樞密都承旨趙峩李著同主其事三年十一月詔三班院公事不少不許接見賓客四年五月詔三班院應差使臣知藏選差有行止者不得以衙前及富饒商賈授班行者尤仍令樞密院更切揀選六月詔三班院使臣應經磨勘已轉班行者改轉後七周年再與磨勘其供奉官侍禁殿直奉職居滿班行及四年以上借職三年已上者並依例與磨勘所有曾任磨勘轉不得者候住程一次過起自磨勘日後及三年以上再與磨勘後亦依例七周年更與磨勘所有已經磨勘不轉者及得指揮更一次差遣者並三年後更與磨勘若更不轉者即候三年後更與磨勘所有元得指揮依例差遣者即七年後更與磨

勘 閏十二月三班院言所磨勘使臣功過內監押巡檢監當物務者除
除收越課利場務一一牒省會同增錢數外其餘捉殺賊盜及巡捉私茶
鹽并場務收到出利物已功過等本院自來只以使臣執到逐家批書印
紙解由為憑照證磨勘先降宣命令逐家依印紙抄上勞績過犯別錄實
封狀一本先具聞奏送三班院磨勘其間亦有會同諸家文字者只是
未有奏狀者却下本州軍勘會每有注滯况所奏文狀亦與批書印紙一
般乞自今只以使臣執到印紙解由照證磨勘從之 五年正月詔自今
都巡檢差供奉官或過少供奉官時即差磨事有武勇侍禁內地州府兵
馬監押巡檢同巡檢差殿直已上逐地小要州軍監押巡檢同巡檢并廣
南小郡知州差奉職以上緣遠小可城寨監押如有曾立過功借職亦差
餘依本院舊例施行其內地小可縣鎮及漳泉福建荆湖江南兩浙遠地
州軍元不係屯駐禁軍去處即揀選奉職內有人材勇武經歷勾當得事
堪任監押巡檢差遣者品量定差 景德元年三月詔三班使臣年七十
以上視聽未衰者且與家便盡臨其有不願及年七十五以上或雖未及
七十五而老味不任勞務者即依先降指揮除曾犯賊罪令逐使外其借
職與除近便支郎上佐官許於本州居住如本貫是支郎即以授之本職

錢直典除近使印鎮上佐官不願者即放歸鄉里 先是有司言使臣年
七十已上願有壯健可以任事者其老味不任差役者欲除職罷放遂使
外借職典近使宣讀義錄使奉職收且與長馬別駕侍禁供奉官與敘仕
官餘並依前詔真宗曰使臣無過效之牙校甚不可也因有是詔 二年
九月詔應三班使臣等多是朝廷選掄或承門閥補應其間有屢差使久
在班行習勇出群類初殊茂者朕雖博詢與議旁察嚴終中命有司精加
考擇苟聞材幹必與甄陞至於如武備者委重兵或懷刺術者深釐事任
每於銓品思在審詳猶意沈遺尚多淹抑特行曉諭用示搜羅自今使臣
得替及差使迴京者並許坐此宣命具狀陳述出身以來歷職次第勾當
去處差使度數并勞績過犯月日因依一一開說及自叙平生所學在司
所能之事乞朝廷如何任使實封詣閤門通進其狀不必繁文並須直述
內有不識字者亦許令人依此條書寫進呈朕親當省察重別敘事速
如顯可選推必別有指揮即不得誑妄敷陳如經諸處覆問稱有異同當
重行貶貶其借職所進文狀即仰三班院收接重封以奏其已進文狀未
有指揮之人有合該磨勘差遣者仍且依例施行不得因此住滯 三年
正月詔應三班院使臣已各立定磨勘年限內有應差遣引見及非次已

特與改轉後來承及元主限三班院為是不因應磨改轉皆使依例再磨
勸引見自今後如有以此已經改轉者並須依磨勸已改轉例候年限滿
日方再與磨勸其應還宣補進狀并論叙功勞有指揮令磨勸及特奉指
揮磨勸引見者即不拘此 六月三日三班院磨勸使臣以七年為限其間
有賦造致罪至徒已上者可令自今經赦後再與理年限磨勸引對四
年間五月詔諸路轉運司仰體量應部中使臣內奏實有所能事件者仰
其姓名勾當所能之事分析同罪奉舉仰提密院候奏到逐旋送三班院
令置簿記名及於御色下子細抄上候差遣時將此照證品量差遣所有
曾犯入已職使臣如經七年頗有勞績仰具事狀以聞當議却與磨勸引
勸差遣若是經十年雖無勞績別無賊私罪犯者亦與磨勸引見 八月
詔三班院自今後磨勸不得過三人差遣不得過十人如非次特令磨勸
引見并急差遣不拘此限其引見磨勸差遣到子仍進納兩本 大中
祥符元年三月詔三班院閤門自今如有差遣使臣將自來合條條實誠
勸事件盡錄出更粘連白紙用印候辭仰當面令本人子細看詳訖只於
白紙上各令書職位名姓差使勾當去處及其知委如有違犯甘當放違
之罪親書著字而不得更委使臣供應寫知奏誠勵文狀仍令於辭牒子

內開設所有誠屬事件已蒙曉示知委書字訖數內抽兵士使臣仰常切
鈴轄兵士依隊伍行李不得或前或後取便行座經過州府縣鎮鄉村道
店信任兵士檢搜人戶攘竊物色及收受軍都羊酒情儀及抽兵士當直
隨行持掌物色騎馬落路令軍人趕趁并鈴轄兵士不得踐食人戶田苗
及收刈糧馬不得放掠錢物如有違犯當行決配苦錢稍多並行處斬及
每到州府令指揮使等先具軍分人數有無衣甲器械申報州府自己不
得拋離兵士關城寨止宿并經過關津口鋪依例供付軍都甲名不得容
縱喫酒至醉有所妨馬軍須鈴轄依時飲飼糧草鞍馬不得信任走驢及
非外稍搭物色仍於押兵內差定員係即級十將充攔前收後及指揮先
解每至下程處即不得不派軍減數有爭競及相殺打亦不得離程行李
二年五月詔應收補到止添帛姓兒孫充班行者內有年未及二十雖
年二十以上未任差使者並未得典差遣令本班常切體量候堪任勾當
即依例差使無令出外勾當不前 十月樞密院言三班使臣外有通街
警及降任者皆候管人動踰歲月所釐事務並候墮套請自今姑令到日
即令離任擇官權蒞其事從之 三年十二月十一日詔三班使臣有素
資材能久沈下位者聽其自陳 五年六月詔三班院應使臣內有七人

已上同罪奏舉者並令磨勘引見 七月十六日上封者言奏舉使目皆
無期限雖至七人有止一月內連有五人奏舉者當令樞密院於引對文
字上具言奏舉年月從之 二十一日詔三班院自今磨勘或非次引見
使臣內有與改轉者並於中樞密院狀內坐舉主職位姓名具奏舉年
月 六年五月詔三班院自今引見差遣使臣內有疾恙者並附御開說
進呈 先是選使臣任使引對日有有疾者故有是詔 是歲詔三班院
據合該磨勘人數將奏據事件取問本人有何所能試驗可否及開坐舉
狀一處磨勘同閣門祇候劉承進上言也 七年四月詔三班使臣自今
有已試者前者具令本院官員與帶御器械臣僚同共試驗具等第以聞
九月詔三班使臣到京除勾當急速公事外餘並與限七日內朝參使
赴本院祇候差遣或非次急要使臣闕人即憑入門榜子定名差遣如故
有規避者達宣徽院劾聞 十一月詔三班使臣當入遠地差使求邊郡
者令三班院試驗武藝擇任職者授之 八年七月詔下三班院自今廣
南住程使臣年滿得替到京者特免短使依例便具住程差遣 天禧元
年三月詔三班使臣受住程差遣須皆人年滿即得赴任不得預往新任
處守關見今已解發者逐路轉運司曉諭知矣 三年二月詔三班院自

令抽到開封府正名前行充勾當押官候及五年若守闕前行充勾押官
即候及七年並奏取指揮其本院通遠前行候及三年從上轉補一名充
押司官所有轉上前行開闕更不補填其官押司候及三年如有勾押官
負闕即與通遠充勾押官候及七年奏取指揮仍自今後依舊只以十一
人為額補置勾押押司官各一人前行二人後行七人即更不於別處抽
人充勾押官如是非次有押司官勾押官員缺須候及定年限即得改轉
三月三班院言年小使臣三百餘人自未曾到班不知所在望立勾赴
院供通脚色文狀從之 十一月三班院言先準站應使臣差遣去處職
住姓名自今每歲於四季月一日進納一本者自後院司遵行昨該汾陰
改轉後至今例該磨勘日進行違文字甚煩欲乞依流內銓州縣官季候
例每半年一度具狀進納一本 十二月詔應見勾當事故直已上至供
奉官帶闕門祇候自今五周年未轉遷者不以在京及差遣出外並令
樞密院磨勘逐人憑任功過進呈取旨若赦前已及五周年并赦書降後
其計數前年限及五周年者並依赦書磨勘見在外任勾當者令都進奏
院移文告示 四年四月七日三班院言乞晚示使臣自今應被住程差
遣才候授宣五日內須管赴院呈宣上厝拘管內有係川陝路不許服家

合將帶人馬公憑赴任者限十日內據合條將帶數目分明具狀開坐以憑申奏若投宣後有違前項日限即申奏乞行朝典從之 十七日詔三班院自來寄班祇候未嘗立定年限磨勘遷轉令下本院并許依使臣年限例與磨勘或有新授寄班祇候人亦仰看詳如是年中合格曾歷外任或在京往城程勾當一任合該磨勘者即得依例磨勘餘並依三班使臣條例施行 七月詔昨緣舉人補三班差使數時者應就外舍居住 五年四月詔三班院自今合入住程差使使數多差填季闕已盡即將次季及後來一季缺次供中樞密院勘會候降下即仰依季分次第定差不得隔薦差使 乾興元年二月詔自今初任監當使臣得替利缺委本負取使臣乞取財物及妄中改轉棄失文簿等自今再犯當嚴加違責仍榜示使臣 仁宗天聖元年六月詔自今初任監當使臣得替利缺委本負取素印紙勘會若在任別無贓私過犯不了即候短使足日與監押巡檢如政內有巡轄馬匹舖一界孳生馬駒數少拋死及二十匹已上并監端務所牧課利虧少三分已上及諸雜勾當使臣若因公事但係私罪斷道不拘曾與不曾責罰候短使足日與合入遠近監當如再任依前不了亦依此施行 十月三班院言自來差定執銀稅使臣三十人祇候引駕近

日多稱年已及二十已上乞免執使依例短使差遣欲自今應執使使臣祇應及三年并平及二十已上乞替者即與免執依例短使從之
三年十月詔三班院使臣到班公短使者除川陝廣南福建荆湖走處抽押兵士與兩次差遣外其餘須將輕重遠近品量差遣三次候及半年以上即依資次與位程差遣其使臣到班有假故者須是除出假改月日外及得半年仍經三兩次輕重差遣者即依資次與位程如得替及新補到班未除短使便有假故及諸般為事者不得更叙初到月日並以後未到班公參月月理為資次若在京勾當得替須候諸處牒送歸班以公文到院月日理為資次仍與在京及近處州軍短使各一次是日方與位程差遣
四年二月詔自今使臣如有已經兩任近地差遣情願降等更乞近地監當許依舊例更與小添支或驛料去處差注如已三任近地者即更不得陳乞候將來親民員缺稍多却依舊施行
六月詔三班院供奉官已下至借職差出及在京監當去處依職任名銜次資每半年一度寫成策子進納
五年六月詔三班院閑門祇候下到磨勘文字內有曾過犯衝替及與監當差遣并為年老與監當者仰具歷任盡一開坐奏取指揮
八月三班院言自今有疾病年老昏昧使臣因逐處體量中奉衝替

到關令當院體量差遣者乞且與小憲監當若在任別無體量成資一任
得替即却與合入差遣或再被體量衙替即更不差注住程仰三班院具
歷任脚色衙替因依中樞密院再行審驗如無贓罪即依年老人例除敘
仕官名目詔自合應有上件年老者昏昧疾患不堪差使可當使臣仰遵敕
具本人歷任年莢有無病患贓罪奏取指揮 六年正月詔三班使臣近
年已未例皆一任監當便入監押巡檢差遣自合並須兩任監當方得差
充如有殊常勞績及奏舉人數多者令三班院奏取指揮 七年二月三
日詔使臣諸要勾當得替內該與家便差遣者自未合係樞密院點差自
今並別與三班院令先次與差 四日詔殿直至供奉官充閤門祇候乞
磨勘者須勾當及祇候除出假故月日實反五周年者方得依例磨勘並
內有年限雖足曾有贓私過犯及因事差替并年老病患者未得磨勘並
奏取裁 閏二月詔文武官家奏乞三班使臣請官中俸料尚在門前
管勾家事自今宜行絕止如違許御史臺彈奏 五月詔自來諸要勾當
事三班使臣內有轉運使司及本州并總管鈐轄等奏稱在任為理弛慢
不諳邊事或為性懦弱不得力者亦有便舉使臣乞衙替朝廷以是司皆
是委任人憲彼處別致關事皆依奏差替到關後三班院依條與降等差

遣及隔住磨勘日邊不住有使臣進狀伸雪却稱在任別無罪犯及他慢縱由亦無不了事件或是轉運司等別欲存舉人徇私徇情不明言所犯的實情罪中奏致日近放訴者多須請特行揮指自今諸路體量得轄下州軍勾當事使臣在任為慢也慢的實事件及不得力緣申井不請過辜恩依頒分明指定事件事狀方得以聞或乞遣差人充替務在責實公當即不得更似日前函奔申奏無致銜督使臣到闕別有訴詢 七月詔三班院磨勘外任使臣文字自來本班遇雙日先進入內乞降付樞密院自令吏不先進使仰入封送樞密院 九月詔三班院自今應歸明使臣差遣如本人元是外界人歸明補充班行即依例與樞密院差遣若歸明人子孫及先因隔過磨界後却思鄉過來即並令三班院依例差遣 八年三月三班院言乞自今依舊將使臣得替到班公參月日換排資次置簿拘管今逐人預先陳乞兩路以下去處即不得指定差遣名目仍於簿上鑒定路遇有缺到院即依應降下差遣檢詳條貫依資次從頭揀選合入之人應副定差如內使臣別有事故及情願乞本就差遣且乞待闕者欲只許容於下次一事內依元指射路分定差即不得更乞於以次等分守待負闕所有廣南西川陝路荆湖澧岳上下及諸偏僻處並不肯承

就盡緣自來許容待缺是致積滯下負缺差遣不行缺自今如有上件遠
 近路分偏僻負閑無人陳乞者相度內有過滿及見闕催促差人去處除
 使臣曾有聖旨及該條貫與家便差遣者許容待缺外其無指揮人即將
 脚色勘會歷任申不冒差往本路住程勾當者並以到班月日合入資依
 依負缺次第從頭定差如在班別無見闕過滿欠及未至急要差人去處
 却一依前項定奪事理許容下次季分差注役之 十月三班院言準宣
 三班使臣監當迴合入監巡檢自今後一任監當迴別無遺缺並依舊
 條却與監押巡檢差遣所有天聖六年正月勅更不施行 景祐三年五
 月十六日三班院李淑言本院起請事件一准宣臣察所舉使臣元閣門
 祗候具舉主須是見任知州知軍通判鈐轄都監員外郎諸司使已上及
 總管轉運副使提點刑獄朝官使臣方得奏舉如及七人以上仍須內有
 轉運使副或提點刑獄方得依條例磨勘聞奏其舉主須是見在任勾當
 如有事故不得理作七人之數自來勘會舉主如外任已得替便作不在
 任切見流內銓磨勘選人舉主若外任得替並理作見任惟是降着差遣
 即不理人數今來本院磨勘舉主如元係知州通判後授三司開封府判
 官并陽武遠却承例作不在任數欲乞今後凡是舉主除有事故及降差

遠不舉主者即不理為人數自餘並許理為舉主一准宣應初入班
行清職三年奉職至供奉官四年方許磨勘准差使殿侍五年方轉借職
後使依使臣磨勘例別理五年方與磨勘會殿侍不帶差使者及三
司大將諸軍司馬或因管綱運諸般勾當副獎直補借職者又却並理初
磨勘以此比方未得均一今來差使殿侍轉補借職者並依使臣初任年
限磨勘施行一本院每差往程使臣往諸處勾當其逐州軍申奏到任月
日文狀並不降付本院元替月分刻替是致多有差誤有叔差遠近延一
年有餘未見到任凡足得替使臣亦有不使赴闕或妄托事故蓋緣未有
約經欲乞今後應往程使臣到職奏罪州軍具到月日申奏外別具狀報
本院將差人吏於具員缺簿內分明書繫候到闕天時將此勘會其得替
使臣亦奏逐州軍具文到起離月日先府通實封報院如經隔時月不到
者候到委本院取館券勘會如涉稽延規避重難差使即具名開奏乞行
朝典一先往宣應得替巡檢捉賊使臣到缺據已獲未獲賊數比較如十
分中捉獲七分已上特與磨勘升其五分六分依例差遣不及五分而與
監當若三分已下勘罪取旨當院勘會天禧已前並依上下條貫逐度弓

見改官乾興後來為該軍恩改轉稍頻遂不引見只今依例比較仍准宣別具本人親提殺分釐聞奏自來提賊十分以上親提一分以上只免短使家便差遣不及一分只免短使如無親提人數只是依例差遣具責降條例即依舊施行以此本院每差巡檢使臣多是現先難為定差有詳巡警巡盜尤需體力之人今未有責無獎恐非激勵之道欲望自今後凡得管官人具一界城盜印紙比較如五百人之下提及八分以上親自提獲七堂以上如五百人以上提及七分以上親自提獲五堂以上者許依先降宣命獎勵引見特與酬契若只提七分八分以上無親提者或有親提却不及八分七分者並不引見只免短使差遣又舊條須巡檢縣尉各自捕獲方理為本官人數以此多有責罰欲望自今如火之內內弓手捕獲即理為縣尉人數軍士捕獲即理為巡檢人數如會合提殺到者即聽分理人數如此則巡邏之司賞罰並舉既易差擇亦勸盡心一本院使臣任川陝差遣亦見連併願就遐遠之人頗聞視為販鬻或在彼器營居止蓋緣未有條貫無以拒止欲乞自今後應有求川陝差遣之人要本院先取脚色照會如歷任內無賊惡過犯經隔一任以上者聽與差注只不得連併在彼人川陝使臣准先降條貫如並無人依倚許台官三人委保般家

赴任每見名到保官亦有三人並是合入遞送之人雖已送却終是未有條貫欲望自今凡召保官並須是近地在使之人庶防姦詐頗憑使一本院應承受道敕條貫凡是起請壁刻事件除一司編收外合有旨用者自來雖曾編錄不得齊整亦慮或有遺缺妨誤檢會無勾當官交易不定亦恐不曾盡見欲乞委本院勾當官將前後條貫文字逐一覷詳條見令行用者別置簿冊分明盡底抄上專差手分主管庶免散失得以遵守一本院應管使臣卿色人為一本功過歲次抄上歲月既久不無散失亦有外任就轉不曾添上卿色欲乞委本院取應錄使臣殿侍舊納卿色別送使差職員等將舊條取索或同報到文字字逐一覷對重新添整謄寫類成文冊印書有不完備處即同磨勘或差違到院之際照會改正仍自今後凡使臣住程到京者並依審官院例逐人先投納家狀一本具言出身歷任如有隱落功過一事虛莊甘伏除名之罪候到更委到班將家狀與卿色參會使用庶得不漏功過易為檢證仍下三司量給紙墨抄錄一應使臣自來有請長做或侍養者本班別無簿籍拘轄人無所住州縣去處直至本人參做方始勘會差使今欲乞委本院將長做或侍養使臣別置文籍差人官勾抄上如有却出參做者逐時勾銷其現係長做自來不知

所住：處者委自本院移牒授完上簿拘管並從之 康定元年九月詔
三班院殿前馬步軍司曉示使臣諸班諸軍有武藝謀畧者並許自陳當
試而推用之 慶曆四年正月詔審官院三班院流內銓如批降指揮後
有合奏請事令主判官別取旨從權同判吏部流內銓王質之奏也 質
言先朝磨勘並臨時取旨天聖垂簾時前一日入文字內中批定雖有功
過有司不敢沒有所陳今請如故事不預進文字並於引見日面取旨
五年三月三班院言自今特服使臣服除者望比京朝官例特免短使升
半年與家便差遣從之 六月三班院言舊制臣僚同罪奏舉使臣差遣
雖不行而此時或擯選據其狀却復用請於所授宣勅具載舉主姓名
後或得罪亦當連坐從之 是月詔三班院自今使臣參班止令續律厲
家狀 六年六月詔樞密院凡臣僚應詔教奏舉使臣其三班院籍記姓
名候歲終錄一本進 至和元年五月詔自今三班使臣合入速地而父
母高年者聽依文臣例召保官與近地 十一月三班院請下諸路轉運
司具部內使臣歲所收職田之數第為上中下三等凡差遣不許連入上
等從之 嘉祐二年五月詔三班院今後更不許自投文字磨勘其任西
川廣南官歲滿前三月餘路前兩月今本院預舉行之 三年二月以太

常將士歸籍楊開祥定三班院編初開元使本院奏開元四年
二月詔減諸級指使使臣皇祐元年執十人者令留七人不及十人留四
人四人留三人三人以下如舊七年四月詔三班使臣待闕而願出外
者聽仍限一年考者更不同所欲直注差遣八年正月詔三班院于
文思院之西院舊在宣徽院蓋內客省使聽以所差使臣出入禁中非使
故從之英宗治平元年五月七日詔三班院使臣無私罪有課績及荐
舉仍差使十年已上者許經本院叙進或吏幹可以理繁劇武各可以爲
武蓋並頒一一各言所能委主判官先檢材器可否如願就試違事時務
策者量試一道的有可最即送密院再加考覆取旨漸與試用仍每年不
得過十人閏五月一日樞密院言欲應臣僚隨行指使自轉借職後河
北等處路前兩府充安撫使并都總管四年理為一任諸路前兩府充知
州及學士以下至正任充四路安撫使并都總管五年理為一任其餘路
外如州總管鈐轄安撫都巡檢之路六年理為一任從之二年九月翰林
學士承旨張方平言嘉祐五年諫官陳升之言三班供奉官以下八千
八百餘人乞裁冗濫立條制于時定議事頗酌中升之始言八千八百餘
員及此人已五年數當增倍其濫如此而不云裁何以主憲度建治功乞

下兩府檢會前所奏議早為裁定頒行亦振舉類賦之一端詔以付樞密
院而計三班使臣六千五百三十四人而已遂無所更議十二月詔三
班院磨勘使自權免引見神宗熙寧二年六月六日三班院言先於三
月中准朝旨應諸州軍沿河知州軍縣并諸般場務勾當任滿得替依條
合該酬獎查仰逐處保明直申樞密院流內銓三司都水監等處並已施
行內有元無條項合待乞指揮者仰本司聞奏即未審在京諸般庫務等
任滿合有酬獎去歲許與不許本班一面勘會詔令依今年三月條貫施
行三年十二月三班院言殿直雷琦乞試六篇孫吳三家兵書義理十
道仍乞射弓尋試驗到義理十道內二組二否六通及試驗到弓馬并條
貫本人脚色詔免使權逐寨監押巡檢理監官資序及材料一任迴依
武舉人例並准三班使臣乞試兵書自珣始也四年六月七日在許集
劉珣言先任奇賊軍監押得替熙寧二年十一月二十六日到班與供奉
官鄭餘毅同押茶處廣信軍陳毅熙寧二年閏十一月九日到班在臣之
下今左季閏在臣之上緣陳毅熙寧二年同押茶綱迴同是升一年本班却用
不理閏月陳置臣在下詔以劉珣在鄭餘毅名次之上今後判院使臣在
閏月者並依此所有磨勘即依舊條七年九月二十八日到三班院本

班應當勾內外使臣如有能射親弓力及八卦以上并熟於使馬及輪弄器械者在班人并許經本班投狀乞試候及十人即闕赴軍頭引見司考驗如所陳不異常議引見在外使臣仰經本州軍投狀委知州通判立官同共試驗如中格未得發遣先已聞已上國朝會典 侍郎右選上舊係三班院元豐五年改今名其五年以前仍具載于此兩朝國史志三班院勾當院官無常貪文臣以兩制以上武臣諸司使以上充常置籍以總使臣之名均其出使釐務定其任使遠近之等級及考其殿最而上於朝凡借職以上至供奉皆隸焉勾押官一人前行三人押司官一人後行十一人 以上續國朝會要 侍郎一人郎中一人掌校副尉以上較試擬官行賞換官考其殿最案十五曰從義曰忠訓曰誠忠曰承節曰承信曰進武曰差注曰生事上下曰掌關曰資次曰知雄曰催曉曰甲庫曰法司曰架閣吏類主事一人令史四人書令史十五人守當官一十八人正貼司二十五人私召七人指書一十人法司一人 以上中興會要神宗正史職官志三班院舊例置局禁中嘉祐八年出之熙寧三年置主簿二員元豐初又詔典審官東院流內銓各省主簿一官制行歸吏部侍郎右選 熙寧五年八月十七日樞密都承旨曾孝也寬言前定武臣試

格應大小使臣恩澤奏授得官年及合格出官者並於三等試條各隨所習事藝呈試上等中等內七事下等內八事有試中一事以上皆為合格等第擢用每年二月八日以前具所應事藝供家狀開生於審官西院三班院授狀候次月具乞試人數中奏差官同主判目條引試內武藝即送武學試外所試兵書大義策略算計並依春秋試文臣條貫訖其等第及封試卷申樞密院看詳如某試不中或不就試者於出官合格歲數外更增五年若授官日年已過合格須授官及五年方得依舊條馬家狀續律訖與出官初任仍且與獎負處監當如有舉主方得陞入親民無舉主即更展一任監當如諸般勞績陞入親民者即依舊條熙寧五年以前授官見年十五以上不能就試者候年合格入且依舊條施行從之 七年十月二十三日樞密院言樞會熙寧五年八月曾孝寬詳定大小使臣出官三等試格內一項應已歷任及諸色出身不該就試人願試者候得替亦許授狀除不計等錢穀并元係軍班及武藝出職人不更試武藝乃馬外餘並許乞試試今後武舉使臣更不試策其乞試者為人仍於元試中上添得斗力方許依條收試 元豐元年六月十九日詔滄州清池莫州任邱薊州文安大城秦州成紀隴城清水延州膚施延長定川慶州安

化合水全州清湘灌陽邵州邵陽武岡攸州石門慈利十八縣自今委三班院逐差使注為尉其舊係盛當關送流內銓差注 十二月二十三日
中書言立大小使注呈試弓馬藝業出官武格第一等步尉一石發兩矢
尉親十中三馬射半發三天馬上五種武藝問係吳大義十通七時務邊
防兼立直成文理優長律令大義十通七如中五事以上與充短使減一
任盛當三事以上充短使陞半年名次兩事陞半年一事陞一季第二等
步尉八斗尉親十中二馬射六斗馬上三種武藝孫吳義十通五策三道
成文理律令義十通五如中五事以上與充短使陞半年三事以上陞半
年兩事陞一季一事與出官第三等步尉六斗尉親十中一馬射五斗馬
上兩種武藝孫吳義十通三策三道成文理律令義十通三計算錢穀文
書五通三如中五事以上陞半年三事以上陞一季兩事與出官已上步
尉並發兩矢馬射三矢從之 三年閏九月十二日詔宗室三班使臣如
犯罪殿罰並令大宗正司關牒三班院照會五年五月十一日改三班院
為吏部侍郎右選 七月二十四日尚書吏部言立到選官格各隨所任
職事以入任功狀立格如選巡撫捕盜之官則以武舉策試武學生或因
臣僚以武職論荐或自陳兵略得出身之人他格做此從之 七年五月

一日涇原路經略司言自今以還將官城寨使臣生事衝替者乞再下本
 司審察軍前得力人董事大小於酬獎折除或展年降官依舊在任從之
 今尚書吏部立法 哲宗元祐元年十月四日吏部請本貫川人聽三班
 內一任歸川其因酬獎得家便優使及不拘路分者亦不注川關從之
 三年閏十二月十四日詔陝西河東蕃官蕃兵三路廣西川陝荆湖民兵
 及敢勇効周之屬並隸樞密院兵部依舊主行其跡路民兵令兵部依舊
 上尚書省應小使臣初補及改轉並吏部擬抄畫聞訖送樞密院降宣
 四年五月二十四日吏部言沿邊使臣差遣有見闕處欲以速立添立日
 限無故違限者論如之官不赴律滿一年沿邊主兵官滿半年不以有無
 事故本處三十日內報所屬別差官除奏舉者報元奏據舉要並不得放
 上未申報聞到任者聽上候到吏部並降一等差遣無等可降者降一年
 名次俱於途小處從之 紹聖元年九月二十八日詔吏部右選類姓置
 籍視左選拘轄功過從侍郎葉祖洽請也 元符三年閏九月二十三日
 詔兵部侍郎兼樞密院副使黃裳等言乞巡檢除三路依材武格外控扼
 重法去歲五日次限滿更限五日無應格人即取守城隨軍被脅免短使
 及並試武藝陞半早名次以上並曾歷巡檢監押任滿無遺缺人應發差

注稍通從之 徽宗崇寧元年十二月二十日東頭供奉官薛仲孚等狀
竊見侍郎右選守待差遣使臣見有數百員蓋為冗有閑出十中八九須
用材武伏覩元豐格內一項保舉公選重難使使亦人材武格自有元祐
間刪去自此阻節差注乞賜取會元豐格看詳特料舊格改正及乞將自
來曾經保舉法選重難任使之人并今後被舉使臣並許依舊作材武格
差注詔保舉法選重難任使依元豐格作材武注注 二年四月七日吏
部言所提小使臣一萬餘員若止以勞績舉主過此考任一概選取難於
銓總今用元豐舊法而以時宜將案關職務隨時增損修正選格其有事
干邊防黃河掃岸或職務要劇并隨官置缺之類請並從舊法從之 二
十六日吏部員外郎張康伯劄子勘會侍郎右選所管小使臣約及二萬
人有經數十年未常到部者幾三千人伏乞朝廷指揮將上件姓名隨鄉
貫分下諸路令根括逐人不赴部因依委逐路長吏結罪保明供申候到
令吏部照對開鑒籍為實數仍委逐州半年一次具轄下使臣到任罷任
寄居土著事故正及逐一開鄉貫姓名三代中吏部如有稽違並乞從本
部奏勅施行從之 三年二月十二日詔吏部應注材武格內保舉公選
重難任使一項刪去并崇寧元年十二月二十日保舉公選重難任使作

村武差注指揮吏不施行 四年五月十八日上謂輔臣曰武臣之流頗
濫有右班殿直在祿后閣中守殿奏乃後苑玉工出身須立法革其弊或
武弓馬或試刑法方許出官即流品自清可令三省措置 大觀元年八
月十日尚書吏部員外郎張栻劄子契勘侍郎右選差使臣等二萬二千
餘員自來改轉官告入通多為鋪兵盜取駿錦官司雖依條行遣經歷歲
時不能拜命大觀元年正月鄧延路安撫司狀稱沿路去失官員改轉官
告二十七軸一路如此佗路可知栻欲乞請州軍專委通判職官點檢進
奏院引目有四選告初宣劉帖深之類被盜失者限一日保明入為進中
尚書吏部勘當先給公據降付典轉元官或使赴任合于官司一面依自
來除例勘會施行所貴天澤下逮物莫能間亦使限年躡級之吏咸知所
勸從之 二年十一月二十八日中書省言尚書吏部侍郎蔡宏彦違等
奏奉詔將本部員名數依舊制考正差誤編為籍凡差注舉選及應
用條格等並隨缺注入今注勘員缺七十餘處已編修成書詔各將
一官 三年三月十七日樞密院言殿前司呈試吏部出官使臣其射法
永元豐格而軍費多不應法皆係有官人止為呈試出官不復責以技能
而材武之士無以旌別欲依元豐法如願試材武者杖以五事若應格與

免一任監當注放三路必違差遣其次免榷使陞名若抗違不如法許習
學再試從之 八月二十六日中書省奏臣察上言乞應有官無吏職人
並不許陞任及帶前任新注請給如與元豐條例不同者可依減罷如係
吏人出身今後轉官自合遵依止法雖被受特旨許令放行亦乞三省止
具奏如不行如已轉官行人今後更不得改轉仍令御史臺彈奏從之今
後合具奏如不行事仍具劄子繳進 十二月十四日吏部侍郎范致虛
奏奉詔裁損冗員按元豐間小使臣八十餘員今至二萬三千餘員入流
之路太盛乞詔中外官司應有入流或因事推恩並依元豐舊制毋得輒
增無者以他司元豐舊制比較施行從之 政和元年十月七日樞密院
言檢會大觀元年春兩選試令諸使臣元係呈試武藝出身或軍班呈試
事竊換校而乞試者願比元試弓加一碩弩加兩石方許乞解發給大觀
元年春兩選試令內使臣元係呈試武藝出身及軍班呈試事竊換校人
許奏乞詳發條更不施行 二年五月二十九日吏部奏勅會同來使臣
鑒應及第并因試換文資雖通任使臣資考若已開陞親氏如資考舉官
等不應條法止合理作監當資序緣使臣所歷差遣與文資考任輕重不
同今有宗室任使臣與監當一任滿有舉官保明陞親氏後理過一兩任

親民試元文資優米尚書左選據使目日已經開陞換官後便隨歷過任
數理知縣資序更不經由考功依條考官後重別開考功只依尚書左選
據使目任內磨過親民差遣理當知縣資序開陞通判緣熙寧元豐武臣
試換開陞條內並不分別宗室免再勘會開陞之文先止因本部相承體
例行違終是有礙舊制今相度除已前用過使臣歷任理當親民開陞之
人乞免追改外今後並遵從熙寧條法施行詔依 三年二月四日吏部
侍郎姚祐等劄子勘會小使任下磨勘文字內有元巡檢縣尉及駐泊提
賊得替自來並會資任業比較盜賊該與不該降監當照會添展磨勘并
并有巡檢馬通鋪得替亦會同馬數該與不該度年磨勘動經數日勘會
回報又稱已經比對開右選乞其脚色內及到無文可以照依却須再行
取會頗有往復住滯之累欲乞應使臣先巡檢駐泊提賊并巡檢馬通鋪
得替等部納到印紙陳乞比對賊盜馬數了當且令該賞罰面奉批上印
紙照會免致臨時會問住滯無於見行條法別與銜改如乞所請即乞行
下其八路得替在外指雇人依此所貴職省行遣詔依 二十七日吏部
侍郎姚祐奏侍郎右選小使臣進武選義校尉改換武選漢官舊官已給
告了訖都計二萬七千七百三人取到吏部狀修武郎以上改換武選漢

官番官都計五千二百六十四員貼姚祐與復元降兩官兩選郎官各支
賜銀絹五十匹兩職級各十匹兩吏人各六匹兩告身兼人吏依此姚祐
可復正議大夫 五月二十八日吏部奏小使臣具員重行編主為關籍
成書計七十一百二十三員關籍侍郎姚祐負外郎韓轉一官內姚祐回
授有服親職級減三年磨勘 七月十三日吏部侍郎潘元奏本選自大
觀二年承朝旨編名籍累年不曾編造近已成書了當計六百五十八員
已具劄子呈納訖契勘為籍以載一選小使臣等雖貴三代出身年甲功
過舉主轉官歷任實為選事根本差注磨勘訖然可見胥吏不得高下其
手正所謂扼其咽喉前此入而不編者非獨功力浩大且胥吏之所不欲
也昨因本選侍郎官鄭絳到任措置申畫於數月之間遂先成書以核條
綱委見本官情願叙史悉心任職伏望朝廷特賜優與推恩詔鄭絳轉補
一官 四年正月五日戶部尚書王甫奏措置到侍郎右選自來任官觀
差遣任便居住之人任滿即不係吏部使闕差人填替見任人往往不申
官司批書罷任及不依條限赴部公參吏部親以無法更不催促轉選遇
有干取會事緩急無處根逐虛繁名姓四選除已依去年十一月二十三
日都省劄子置籍逐選元關揭貼緣到罷事故未有所在州縣申吏部條

法竊慮遷延無憑檢照今措置乞行下諸路應任官親勘商人每過到任罷任事故並令限一月具到縣年月日申所在州縣報吏部銷注指貼從之六日吏部侍郎霍端友奏勘會諸路押隊使臣在任職事終舉依條去替半年前許本將保明申帥司審察奏舉再任無可再任申部差注其見任人內有已入條限未見保奏申發到部自來移文取會動經累月即報應有妨本部缺差注今相度欲乞將見任人如在任職事終舉全所屬遵依上條於去替半年前審察保奏再任內近地又滿一季遠地至任滿日無保奏再任文狀到部即行使闕若已注官後方奏到更不施行所貴咸省行移使闕不至留滯從之五年十二月十九日吏部奏右選侍郎韓粹考面奉聖旨侍郎右選便旨增多人吏間少文字積滯奏本選措置取旨契勘奉聖旨許從義郎至校尉脚色家狀功過等逐一重行編排乞降指揮除在戶部小使臣校尉本選取會外在京未到人委開封府在外委諸州軍監各選差彊幹官一員取索脚色仍各齎真本經所差官照對限一月保明申部所差官依限申發及照對無脫漏量行推賞違限脫漏科罪不以去官赦降原減並從本選保明申奏又奏吏部郎中右選從義郎至校尉脚色家狀功過等重行編排修完名籍合用脚色本部令

立到小使目等押色狀等式除下開封府諸州軍監委官外見在部人即
勒逐官依式供具同書鋪繁書繳納并齎應干付身文字赴部點對所供
應漏不實官負並科除名之罪在外官同書鋪科杖一百不許用蔭仍並
乞不以赦降首失原減招並從之 二十二日吏部侍郎韓粹奏陳州
申差朝散郎司錄向子良取索剽掠義郎楊直中等四十五員押色家狀
依限無脫漏仍各錄白逐官應干宣告等真本全文申部參照元為詳備
欲望依元降指揮先次量行推賞詔向子良與減二年磨勘從之 六年
七月六日吏部侍郎韓粹奏本選見官使目比之元曹增多數略案
牘叢冗事務繁重視六曹及諸選為最昨緣人吏缺少文字積滯選事展
弛仰煩奏訓別令措置臣等欽承德意并聞防約東應干合行事件逐一
條上並已得旨施行今選事就緒弊源寢革官吏所當一意奉行以副經
久尚慮日後姦吏狙習俾於規檢營私自便將已經措置條件妄意陳述
規圖更改依前作弊深為不便欲乞特降睿旨應緣今來措置已得指揮
施行從之不得輒有申請更改違者乞從聖斷嚴立法禁所貴選事永遠
修舉仰別陛下訓迪右官之意詔依所奏如違後二年 粹奏傳云侍郎
右選至為難况承積弊之後釐正簿書遺失滯務增損廢置五萬四千一

百餘事奏請增置郎官一員因取當注之闕附以格令大書而揭之門
十月十八日開封尹王革奏檢承本府令每歲冬月吏部差小使往於都
城裏外救濟寒凍倒卧并拘收無衣赤露乞丐人送居養院收養獎勵都
下諸兩地分關達其所差使臣於三冬寒月晝夜往來救濟事務繁重取
會到吏部所差使臣係合當短使人即與酬獎欲乞今後應救濟無遺此
原省部依理使酬賞外管勾四司以上特減二年磨勘不及四月者以官
勾過月日比附有部短使減年酬賞詔依 七年四月十九日吏部侍郎
韓粹奏從義郎至校尉脚色家狀功過近承朝旨重行編排除已供到
編排外訪聞使臣多有推避不肯供申欲乞特降朝旨下諸路州軍開封
府宗正司再限一月取索如同奏部點檢却有漏供之人元保明去處官
吏各科杖一百不以首失故降去官原減所有不供使臣校尉與落班簿
候及五年方許參部仍罰重難網運一次了日注校差遣未出官不候年
及格日休此施行行從之 八年九月四日尚書省權監吏禮干房索燕
檢到吏部侍郎右選忠訓案堂缺案等行違違滯并取會各有迂枉住滯
添改文案月日顯是避見取索點檢違誤除法伏乞詳酌重賜施行詔郎
官降一官當行人吏降一資 重和九年十一月十六日吏部侍郎陳秀

脩等奏契勘初出官使臣并校副尉改轉之人後來別無立定赴部日限
并使臣得替等亦不依條限參部蓋緣未有立定日限約束有司今相度
欲乞將初補使臣校尉殿前司主武中該出官人限三日申部以申到該
出官日使臣校尉不該呈試之人亦乞自投告或補牒日并已呈試出官
人各限五日赴部公參其得替并短使綱運回使臣並不許言處指差權
局除重到御筆差人許行發遣外雖有許差人指揮亦不許發遣并乞假
之人並仰開封府即時申報從本部依條下內侍省差人看如初出官
人出違令未立定日限并得替患要使臣不依條限參部並罰重難綱運
一次更不推當從之 宣和元年十月二十日吏部侍郎李森等奏契勘
使臣取押竹木并軍器綱運等應干短使並係本部以見在部人差撥應
副近年以來使臣到部數少綱運短使應副不前緣使臣多是希求奏辟
或指差踏逐差遣更不參部以避免短使致有累任不到部者而寒進之
人別無所圖不克到部詔未曾參部未經短使人今後並不得奏辟 二
年六月四日吏部侍郎王鼎奏竊以吏部侍郎右選使臣校尉人數最多
務繁重視四選為劉除所經三部注擬磨勘酬賞外比之他選人兼諸處
關差綱運短使等事凡目浩繁吏緣為姦積弊非一近奉得聖旨令臣指

置國奏未收錄數姑舉一二大者本選所隸小使住校尉共二萬三十餘員然每有短使常患乏人負數充溢而不濟任使其弊最大蓋緣無人參部差撥不行使臣校尉所以不敢參部正因畏懼借差押械重難類得避別求辟舉以幸苟免又苦於表費不給阻於賞罰未重之類若不措置必致稽遲謹錄盡具如左方詔王鼎措置台選十事內第一項押校使臣訪聞諸路買木官司落款已稱辦足多係前期中奏差官取押比到本處往往結關未有成本官押使臣右選措置改換第五項批給驛券及餼給裹角初色違滯第六項交割綱械非理邀阻官吏並徒二年許使臣越許支給繳裹角物色及出給發遣文字仍限三日有驗酬賞經由官司限一日第十項主限一月陳首原系依條差借綱運短使一次違限不參以違制論仍罰竹木樁械重難綱運一次更不推責諸門置簿見在陝西等使臣校尉許赴所在投狀等事取所乞第二項乞將本選見稱小使臣校尉親民監官經使往程窠圖並聽願格差注一次第三項乞將左部使臣借差押械人回日別無少欠除合得減年占射外更特與減四年磨勘其餘綱運官押人及二千里以上與減二年磨勘占射差遣一次千里以上減三年磨勘不及千里依再差法其借差短使並依押罪人格推賞內

經再差人每次更與減磨勘半年如及五次更不推賞止與先次占射已
未差員缺一次其任滿得替若短使綱運使畢或初捕出身參部連限及
不依程限赴闕之人除依本法外並計日倍展磨勘年月凡押綱人罰重
難綱運一次第四項乞將以前應違程限參部合罰重難綱運若限滿依
前不參除所罰外更計月倍展磨勘第七項乞將參差使臣得替之後規
避綱運久不參部之人依元豐舊法限九十日今後依此第八項乞應令
後小使臣校尉短使綱運人並使本部印給行程事畢如程赴闕依限朝
見參部如不經所屬出給行程到部罰綱運短使一次第九項乞今後應
初補小使臣校尉除係人吏非泛出職人外有投宣告補課日限一年呈
試參選年幼人候及二十歲并今日已前已補授人自指揮到日理限第
二第三第四第五第六第七第八第九項並依奏 二十七日吏部侍郎
王巖奏與本部小使臣有額素疏提舉然諸路官闕輒久不補至於上煩
宸翰程督差注蓋到官候任及事故替移州郡稽慢不即中部致成過滿
不即得去及久已替去差入權稱如此等類了不及知外方但見闕官而
本部無憑用潤稱弊至久有失措置臣近將吏籍稽考諸處未申到任使
臣校尉無慮八百餘缺雖檢舉施行外緣未有明降約束臣愚欲乞令

後小使臣校尉到官限任或非次替移所屬州軍限當日飛申本部仍月
具見任官到限月日及見闕正官窠名類聚供申候到進奏院一月赴部
投下本部檢照負闕依條限差注所資事無贖官更得從後實為公私之
利詔依奏內月具到限月日等令所屬半年一次供申以上續國朝會
要

全唐文

宋會要

海外錄

景德二年十二月上封者言京百司每
年十月二十五日已前於吏部納文字足本司申奏差

官官試比驗書扎人材刑名引見揀中與補正名叙理
勞考竊聞多是吏部手分預前商量傳本抄寫轉送入
試亦有懷挾律策以此對義僥倖紕繆薦託而得叙勞
常調深可痛惜欲望自今後只令就尚書省考試至日
鑊閉中門權住六房行事一日及先引保各納坐席上
書司分姓名試日於都堂前每三步一人稀行排坐其
刑部大理寺即坐階上或遇風雨只移就兩廊前一日
旋牒開封府抽散從官二人把門選差京朝官三人一
人監門搜檢二人分兩面提舉才候放人就坐下關鑊
門令吏部手分二人分依卷子試官出問題三通堂上
堂下各義牌抄訖即時歸坐次對義不得遞相指教違

口傳授考試官每廳只留一二人當直此外不得別放
入人其供飲食者只在後廳試人先寫了卷旋納押出
所納卷子止於試官前塲准未得看讀直候齊了實封
印在司收掌次日入省交互考較內人材書札對義優
者與定名近上若人材低次書札對義稍通者為次或
無此合格人其間人材對義書札一事稍通亦與相度
品量揀選若雖人材對義書札不通或人材不中對義
純繆縱有書札並不在試中之限從之 三年二月五
日詔中書及諸司人吏犯賊叙理在諸司者永不與外
官 十八日詔京百司人有不經考試補正名者只令
在司祇應不得叙理勞考 大中詳符三年四月流外

銓言諸司寺監依例叙理勞考該附奏人自來合給優
牒準長定格每年六月一日至二十日已前狀檢勘
至八月三十日已前奏畢今檢會二年敕甲除已給優
牒外有附奏挾名人司天監禮生孔若愚等四人累行
曉示未來請給兼舊有至選滿且併給挾名落書字優
牒不惟年歲深遠難為照據竊慮別作欺詐按編敕諸
司人每覃恩授勅留官限兩月請官告如不請更不在
給限其孔若愚等欲更限一月今後應該附奏挾名落
書字內除丁憂事故人候敕甲下立便曉示赴省出給
優牒兩月不來與殿一年勞考過一季更不出給從之
天禧三年三月翰林學士盛度等言奉試試京百司

人舊準景德二年條詔刑部大理寺於都堂上別貼問題其餘諸司人於堂下別立義牌每年就試不下百五七十人除刑部大理寺外人數尚多若只作一牌即聚處傳授難為止約今欲約人數多少寫問目十本已上分散抄寫稍涉口授具名報覆又先寫了卷旋納押出所納卷子止於試官前垛堆未得看讀直候齊封印在司收掌次日入省交互考校者今欲令試人旋寫了卷子對提舉官納下封印卷子旋送考校如當日未了一時鏢宿奏訖方出其考校義通否定名訖拆封令念過更選人材得中者方為合格從之 仁宗天聖元年五月翰林學士晏殊等言定奪殿中侍御史李孝若奏請

百司年滿授官人得替之後乞依格却勒歸司祇應其
正名為公事勒停後遇赦叙理却送諸司降充承闕須
候再試中方得理選如限滿日只注判司 仁宗令京
百司已出外官更不歸司今後並依長定格施行 近
年百司人吏頻經慶忌多減放選限出官甚速至是得
替之後依長定格歸司祇應至和三年四月五日詔百
司入流今後並依吏部格敕及逐司條例依年限出戰
外不許別叙勞績乞充班行及減年限出官其臣僚抽
帶差使者更不得陳乞出官減年恩澤 皇祐二年正
月二十二日御史中丞張觀等詳定今復申明 神宗
熙寧六年七月十七日詔定兩府臣僚初除轉官廳解

罷陳乞使臣公人並袞同推恩只令中書施行 宰臣
樞密使相七人樞密使知樞密院事五人樞密副使同
知樞密院四人

侍郎右選下 流外銓 宣和四年四月二十七日尚書省言昨日

臣原言雖流被官之路大廣有旨措置今後使臣雖流被官已有指揮又都官所供曾配充軍人雖磨勘不許入流并方場庫務選收到刺員廂軍刺配工匠手分不許出職合與吏部通行遵守從之 五年四月二十日中書省言勸會使臣因恩例得減監當任數既闕陞親民資序即係無可收使近來往往陳乞比換或年滿為僥倖詔應使臣今後不許用監當任數比換或年 七年三月七日吏部侍郎右選奏勸會使臣校尉任滿得替短使綱運事畢并初補人已立定參部日限及不依程限赴闕之人計日倍展磨勘並罰重難綱運緣使臣校尉內有違之人避帕責罰多不敢參部本部今相度欲乞將已前應違程限合罰重難綱運之人並并限一月參部陳首與免展磨勘并合罰重難綱運短使在外及差出短使指差勾當者與除程仍乞自降指揮日為始如限滿不參部自合依元法

令采巧已別無術改已賜詳酌施行從之 六月十六日臣徐上言契勘
吏部右選小使往銀元衆多無若今日之甚在昔元豐中止八十餘員大
觀中增至二萬三千員今則三萬一千八十二員視元豐幾四倍之數舉
天下內外策闕凡七千八十六家空闕負數題若不勝其多今在部者不
過九百餘員除宗室軍班已入仕程并恩例免差使及請假人外可備急
知綱運短使者不過一二百人故借差有至於再至於三四又不足也邊
備及大使臣每一差使訟訴爭欲求免怨嗟之聲所悉聞而又本部
無閑可擬動經二三年方有所授故在部使臣窮旅凋弊窮愁日甚而在
外者愈不肯至完其所自其弊有二高臣請言之在外使臣以賄賂已直
交結權貴帥臣監司干求辟舉有連三任自承節部至大使臣並未嘗履
吏部門者此不到部之弊一也使臣進仕類多雜流無從功名之望惟得
不絕廩祿不礙磨勘足矣故不校差遣但圖權局以苟歲月此不到部之
弊二也不惟在外者日享安佚無重難差使之憂在部者愈加窮悴誠為
可憫比肩事主同為王臣何勞逸不均之若是也臣愚欲乞今後使臣凡
出官須先到部注授一任滿督方許舉辟一次復歸吏部注授如初若是
則注擬與舉辟均矣若未應辟而輒辟其從辟與辟之者並加罪責則一

弊可除也大小使臣任滿得替未報差遣及未曾參部之人不許在外干求權攝若不應權而輒差提其差者與權者亦重加罪責如是則二弊可除也二者之弊既除則在部不忠無可擬之缺在外不忠無不到之人到部之人既多則急切重難必無頻併備差之患矣願詔有司嚴立法禁杜絕弊源其累任在外從辟之人僥倖已多亦當少加裁抑乞令吏部根刷兄令在外連經三次辟舉之人不以曾未赴任並罷歸部補示其闕許在部人依條注擬如是則後使稍均無獨勞之歎孤寒使臣不勝幸甚詔奉措置立法申尚書省以上續國朝會要 高宗建炎元年九月二十日詔今後小使臣自初出官給印紙至為大使日及連部橫行終身不許移易從侍郎錢伯言請也 二年三月十四日詔使臣副尉到行在者各以隨身照驗文字徑部自陳經尚書省參驗訖一面參部收理次仍申尚書省量才錄用 十一月二十二日敕應命官下班祇應副尉因罪特旨及依出令該使月或限年磨勘降資降名次辰年參選罰俸使之類者並特與赦免 三年正月二十七日詔保義郎差監法西庫門田宗義依已降討論指揮退其官先是宋義係後苑作藝學宣和間應奉有勞特授承信郎出身吏部言合行審量追所冒官上曰討論人甚多若宋義免

是則何以行法宋義善造頭巾朕當用錢役使之豈可與官黃潛吉同陞
下以至公之道守已行之法天下孰不信服 紹興元年六月二十八日
吏部侍郎高射等言侍郎右選待次員多欲將監當并課利場務案關到
任半年使關其八政案綱除四川外依昨降指揮更借使一次從之 十
二月十二日詔今後吏部右選注擬出關並依侍郎左選體例施行有合
會同宗室進納人員數年紀並限兩日如違人吏從杖一百科罪 先是
臣僚言銓選之法其實通用而右選行事略不相侔如非次關出左選則
日逐別為一榜開具關若干數無則言無指定第六日召人指射左選今
右選但連以長紙有闕或書上或不書上更不逐日聲說究其所以蓋欲
存泊關關出責候人注擬則旋次書上人如注擬差違左選則裁日類聚
合射關人出為一榜曉示某人用某年月名次或恩例內某人名次或恩
例且上合注某人令右選更不言某人用某年月日名次或恩例合注某
人却只言某人陳乞見已施行亦不明言合注某人究其所以蓋欲誅求
合得之人人從而洗垢索微期於厚賂而後已又如左選初一日出四關
初五日限滿投狀指射已注下兩關即時作經使關曉示召入注擬令右
選則不然其已注兩關既不即時開具某人已注其合作經使關又不即

時曉示言人注擬遷使已注非次之人懷狐疑囑託之心未注經使之人
起爭先瞻買之俸此三事乃侍右人吏典書鋪通同作弊不可不革故有
是詔 二年五月十日詔吏部小使目闕權差大使目隨官使闕 依法
差注候大使目負闕稍寬即仍舊法 先是吏部員外陞長氏言武臣往
備將領以上令已依舊法密院差注外方手部將縣尉州指使以上雖已
撥歸吏部緣舊未使闕去委如縣尉州指使有朝廷特差大使臣若依條
本合差小使臣令以大使臣員多缺少乞權隨官使闕故有是詔 八月
十一日吏部侍郎張誼言侍郎右選應監當指使准備差使緝捕盜賊案
關依條諸家申到任方行使闕縣州軍占各窠闕要差權官不依限供
申欲乞並將見任人已滿差下應副任人未有申到到任文字從今部先
次判別使闕差注庶使在部侍次者不致留滯從之 十二月十六日吏
部侍郎端首言本選掌行小使臣校尉差注副獎轉官陞復資序等事
自朱惟德惡名籍簿參照行遣近以遺失文字散毀欲乞將在部小使臣
校尉限十日具家狀一本資出身以來文字赴部照對編類在外要通判
限一月取索見任并寄居侍闕官各具出月文字并脚色具狀申部以憑
照使從之 三年六月二十八日司諫唐輝言吏部侍郎右選主事舊制

滿一年三季通入仕三十年者補承信郎今乃有滿年乞降等補將仕郎
它部皆授以爲例照廢成法欲乞並行改正已補者與充退改今後不許
妄請詔考功依舊法補將仕郎條從之 四年正月十二日詔諸縣鎮酒
稅有不及三萬貫場務者見有大使臣去處並差小使臣 先是縣鎮酒
稅多隨閭注擬以大使臣通差其歲入有不能反辨監官俸給者又有添
差官更須別行措置郎中朱異言爲言送部勘當故有是詔 四月二十
九月詔應呈試中材武五事之人並依舊法除與充極使臣陞三季名次
外作材武行使仍在任獲不惡被資陞名之上呈試武藝得咸年之下
先是小使臣校尉呈試材武五事中及隨軍被賞之人一例酬獎無以甄
別試中材武縣縣劉克勤乞依舊來材武格推賞侍郎鄭滋以爲言故有
是詔 同日詔應差下大使臣替小使臣其小使臣並依舊法滿三年爲
任 先是尚書胡松年言本部小使臣除堂除辟舉滿二年爲任外其注
擬人合依舊法故有是詔 五月一日詔請小使臣職到去失及無干照
或補注文字並不許作材武注授 先是諸監押巡檢校尉堡寨駐泊等
缺依條差付武人而小使臣職到去失付身給到文字并隨軍守城名色
補轉者並陳乞作戰功等材武收使吏部言便作戰功告示即恩例太優

於常調故有是詔 六月六日吏部侍郎鄭滋言奉部侍次親民六人監
 官五百人乞將應親民寮闕者今後合使條限雖在部親民人少而監官
 應入人多並行依限剗出楊召人指射從之 九月十五日敕應小使
 目參部違限合司重難綱運人限一月許奏特與免罰應使臣且與短使
 及未得差遣者並仰於所屬役狀與收入仕程及合得差遣 五年三月
 一日詔侍郎右丞取舊差郎官二員 先是以減員列併侍郎吳敦復以
 為言故有是詔 四月二十七日詔小使臣所歷資序人二年為任並去
 替一年使闕從侍郎吳敦復請也 十年九月二十一日臣僚言頃者獻
 議之臣立審量之說在建炎則有十八項在紹興則有二十四項其後又
 有九項書之史冊遂到光朝過奉項審量士大夫莫不歎呼然有司猶執
 靖康元年十一月指揮應泛濫補官若勾身祇應應奉有勞或待詔減年
 出職等如今參部之人並在武舉等人名次之下不得通比分數仍先
 法逐地差遣若用諸般恩例亦不許入近地又紹興八年三月指揮小使
 臣因應泛濫補授名目之人雖已經闕陞不許注授親民等官竊詳兩項
 與前日審量名異而實同今既罷審量而吏部執此使待次之士留滯滋
 久乞已經闕陞者許注親民及收使分數恩例從之 十八年八月六日

詔令使小使臣校尉尉身亡即於所寄居處見任州縣而時中官取索付
身分明批上月故月日於付身告教等文字背後用印記給還本家仍申
吏刑部發前司諸監司照會先是使臣赴任處方有其家受而暗寄付
身詭名承代者有不韋身被明聚其室而冒名帶者或有付身頭尾或
存印紙後截改易姓名撰造初補其弊百出筆達府通判王次幾以為言
故有是詔二十七年十月二日詔從軍該奏得有任校尉吏部已給差
帖人可自辦承信郎以上日理年限放行二十八年權吏部侍郎劉章
言小使臣校尉差遣目今見使去替四年調除逐旋別副注擬外見有待
次八百餘員所補親民監當止二百一十九缺乞將見使調除限吏行據
使半年刷闕差使所有宗室添差差務及岳廟使闕除限亦乞採使半年
從之二十九年六月七日吏部侍郎沈介言小使臣校尉蓋當非次闕
依條榜及五日限滿無人指射即作經使闕又無應格人榜及半年方詳
破格差人見今在部官常不下千貫其破格半年委是虛占月日乞今後
止榜一季從之以上中興會要紹興三十二年八月十八日孝宗上
帝已即位天祚元年臣僚下竊見吏部出官格法左選則有登試右選則有
呈試其制一也今左選錄試約束甚嚴考核甚密至於使臣校尉呈試則

因循弊倖遂成空文惟務循托例以應格中部或免短便或申名次便得
注授差遣至於五事中格者仍作材武徑注親民主兵案關更不經歷監
當指使之類乞詔有司嚴立法禁務絕請託之源不准以正誼法而右武
之世使人人聞習弓馬而後從仕誠今日之先務詔今後呈試出官令吏
部郎中一員同共監試十一月二十一日吏部言小使臣校尉職到官
告竣然後無背職竊慮隱匿背批過犯今乞召本等休官二員委保別無
隱匿罪犯放行參部施行從之孝宗隆興元年三月十日吏部侍郎徐
林言檢會紹興三十一年六月十三日敕文內一項武臣承信郎以上並
與轉一官令來小使臣陳乞轉官內有二十年不到部之人依紹興令合
行落籍致本部未敢便與次敕轉行竊詳立法之意不到部日久之人恐
其偶冒故去其籍而其官初未嘗退奪蓋與有罪而停廢之人異矣今也
有罪停廢之人猶與之甄叙而久不到部之人乃不露帶澤以非施恩之
意歟乞凡二十年不到部之人並令召陞朝官二員結罪委保經本州保
明申部依敕施行從之五月七日詔將堂除案關撥付吏部可依格法
盡行差注一次以吏部侍郎徐林言與勘侍郎右選近承指揮發下堂
除案關令本部差注在部人先已條具使關限差注格法申省今承指

擇內一項得曾經堂除并官觀敕廟人先次注授勅會左選參附令曾經
堂除人若兩任以上與先次注授一任與占射差違即堂除不終任許陞
陞同等名次人緣侍郎右選小使注即無曾經堂除得替許行指占差違
條法指揮若不申明無以遵執又緣小使注校尉所得堂除差違即非薦
舉選除陞授等以官資人左選上中下及校尉之類雖已與左選一
等行使恩同本部令相度欲乞將小便注比附侍郎左選條法曾經堂除
兩任滿替到部之人與占射差違一次選與即數量均分一任人同一任
滿替人與陞陞同等名次一次其不終任及不曾到任并曾經任敕廟之
人不理堂除與常調人表理名次差注從之仍照應隆興元年五月七日
已降指揮施行故有是詔 七月二十二日司農少卿楊俊言竊見吏部
四選各以名籍稽吏員之實防外冒之姦自渡江以來文籍散逸今三選
已備惟侍郎右選吏員猥衆遇有取會無從稽考議者固嘗有請或以取
會諸軍為援或以散漫州縣報應不時比因章恩自一命以上皆以姓名
來請臣適備負今選謂非此時無以盡得其數遂行督責隨時拘籍將已
及二萬員所有未到員數懼復因循劾乞命侍郎右選嚴加檢察核續抄
注仍令按月具轉官員數報左右司從左右司照對以防漏落庶幾得右

之籍自此全備天下吏貪可以盡見不為小補從之 八月五日吏部狀
依指揮併省吏顯侍郎右選見管主事二人令史四人書令史十五人守
當官二十八人點司二十五人私名七人稽書五人法司一名今乞減省
書七人人私名七人點司四人詔見在人依舊如將來遇闕更不遷補 乾
道元年正月一日大禮赦昨降指揮諸軍棟汰大小使臣校尉副尉下班祇
應內付身不圓之人權許添差一次竊慮無力產會却致失祿可令吏部
更與添差一次餘依已降指揮諸軍棟汰雖軍已經添差一任四到部許
注授諸州准備差使及歡廟差遣其間有實緣殘廢不能親身赴部之人
令各本色官一貧結罪委保正身許實狀赴部陳乞差注以示優恤 六
月十日試吏部侍郎陳俊卿言勘會在校尉次小使臣校尉日今見有一
千餘員每日接續參部不下十數員雖逐季剗季闕親民監當校尉共
不進百餘闕委是員多闕少發遣不行今措置欲乞比附兩選已展借使
闕指揮於見今使闕年限上展使一季候令降指揮下部日先次定日集
注已後亦乞依此使闕差注所貴在部使臣不至旅中留滯從之 二年
正月二十四日權吏部侍郎陳天麟言小使臣校尉曾縱從軍忝差任滿
到部之人乞將添置指揮使廳候使與並依歡廟一等作二年使闕差注施

行從之 同日天祥言四川從軍小使臣校尉已降結興元年正月三十
日指陳許理資注所有合給理任差帖印紙令相度乞料應差赴行臣資
到于然并真本付身經部陳乞出給之人先次出給後經制置司依指揮
審實保明批上印紙照會訖方許行使從之 同日天祥言小使臣校尉
前任就書不圓或不依式其合批考第及滿歲月日若在隆興二年閏十
一月五日詔書之前自合照應詔書免降如獨緣州府批書在詔書後之
人乞指照本官成考滿歲月日施行從之 同日天祥言照得選人係三
年為任使臣以二年或任使臣任內滿因被對移或衝差替放罷之類今
乞比附選人條法止願札時一考施行庶幾文武臣陞改事體均一從之
十月二十九日吏部言臨安府龍山浙江紹興府漁浦西興監渡官缺
緣係紐置巢湖本部未有立定條法令相度並注經無賦私罪及不注老
疾就監官人并不注進納及補事若括出人仍各報本府乞從本部轉聞
差注從之 三年五月二日吏部左右選狀選人年六十小使臣年七十
以上及尋醫年滿人到部參選從長貳當官體量精力不棄別無疾病許
依條注授從之 又并五門十一月二日大禮赦應命官下班祇應副尉
因罷持首及依法合該展期或展年磨勘降資殿降名次展年參選罰短

使之類並特與放免 四年三月九日吏部狀准乾道三年十二月二十
五日都省劄子侍郎左選申請到指揮乞將選人參部待次官注擬極
縣令並赴都堂審察外所有在外指射并移注人四川二廣定差諸處
群知縣縣令欲依舊法止令本處知通精加鈐量保明申部差注施行其
尚書左選未有申到指揮理合一體勘會本部侍郎右選小使臣知縣
闕見依格注保長郎以上經親民人仍當官試書劄百字以上試中許差
今准尚書左選開到前項指揮錄小使臣亦有到部注授及四川二廣差
注到官郎未有許依侍郎左選已申請事理乞詳酌指揮施行詔依侍郎
左選已得指揮 七月十二日尚書吏部員外郎林栗言本選小使臣校
尉曾經從軍立功簡累降勅寄注諸州軍添差指使聽候使喚不釐務及
校尉差遣任回頗就前任州軍貧缺有司礙以格法不許差注緣據汰
軍病多資乏構家之任曾未安居遽以滿歲則久抵挈坐困進旅欲已將
離軍添差指使校尉前此附宗室殿廟不釐務差注不礙前任州軍則任滿
之日可充撥學道路之勞仰稱優恤之意從之 其後吏部復言前肯止
為小使臣本選離軍添差大使臣未有該載明文亦合一體差注從之
八月二十三日詔小使臣校尉在福建湖南路替回參選之人並依內地

差撥短使滿一季住程特典減作兩個月收入住程 十二月十九日吏部言昨將武臣親民監當更迭使半年並四年闕監獄廟及准備差使不釐務更迭使半年並二年半闕即日在部待次武臣四百餘員多缺兩差注不行欲乞朝廷將親民監當并獄廟准備差使不釐務案缺各借半年使闕差注從之 五年正月七日吏部言大小使臣宗室依條每添差親民兵馬監押一員係釐務昨緣一例作不釐務致鎮江府請乞差外官續承指揮宗室添差兵官依舊釐務欲日後更不差注外官從之 七月十五日武臣高書吏部侍郎陳獨作言本部小使臣校尉軍功補授合注授添置不釐務指使并聽候使喚及獄廟三色差遣見用應赴任三年缺近軍功補授人積壓在部員數頗多欲將不釐務指使聽候使喚獄廟案缺更迭使半年今後用二年半闕從之 八月二十三日陳獨作言小使臣校尉參選合著籍定重難并常程短使本部除前任請大添更合著籍定重難短使之人員數不多合行見行條法指揮理兩個月收入住程外所有應副常程短使人近來每月不下七十員收附入籍其所差短使每月不過五七人要是虛將在部人拘占月日今相度欲乞止理一箇月收入住程庶幾待次之人不致久淹迭放從之 十月六日湖北提舉常平謝

帥提言竊見辰沅靖州地邊溪洞見任官月俸每至積下無以支給欲望
自今免添差及養老使臣詔辰沅靖州合添差使臣并養老軍兵自今各
減半差見任已差下使臣并養老軍兵正依舊六年二月二十三日陳
彌作言所掌小使臣校尉在部待次一千六百餘人以開籍刻刷諸路不
鑒務指使聽候使喚或廟及指使監當親民計四百六十缺並未申到任
近年事因其中九十二缺皆乾道二年以前應赴任人雖取會未至本部
理算自擬差月日至今各已候違年相度欲從本部刷具先次依條用闕
仍下逐路提刑司先官吏淹慢之罪無在部人不致積壓留滯從之 三
月十九日陳彌作言宗室小使臣添差親民差注經任初任人外蓋次常
一百餘人今在部軍功補授人負多缺少差注不行欲乞借宗室監當見
闕權改作缺廟稱呼差注一任任滿復撥還宗室使缺無可以時暫發遣
在部軍功補授之人詔從之仍先注曾立戰功人 四月十日吏部言軍
功補授離軍之人類皆貧乏不能自給久在旅底守候注別詔應離軍注
授添差指使巡檢下使臣或廟之人並令具鈔候畫閣下部吏部給差帖
當官器付大使臣離軍注授添差往備差使巡檢下使臣聽候使喚不
差並到部注授諸州軍及監司帥司添差往備差使并主授缺廟之人一

體施行從之 五月四日吏部言侍郎右選見管吏額主事二人令史四人法司一名書令史一十五人守當官二十八人正貼司二十一人指書三人即自通吏額七十七人令砍減舊令史一人守當官三人正貼司五人并權守當官八人權正貼司一十二人更不幫助祿權請給詔依擬定各從下裁減將來見關日依名次撥填其減下人額依條比換名目者聽 二十七日詔進義校尉已上資級今依舊吏部掌行 十月二十八日權吏部尚書侍郎張津言小使臣校尉目今在部一千三百餘員到部日久無缺發遣乞將不整務指使并總候使突窠缺許注不添軍功之人一次以資序恩別名次高下差注如同日有軍功人指射即依見行條法先注軍功人庶得可以發遣在部歲久待次之人從之 七年二月八日冊皇太子赦書勸會諸軍將校緣功資合轉承信郎偶不曾繳到付身及絞銀錢未鈔及差漏三代名諱致妨給告止出轉官公擬後來因軍恩或他賞已轉承信郎以上方行陳乞吏部却引用入資法比折減三年磨勘甚失當時立法之意如有似此之人仰吏部特與作一官資轉行 四月三日張津言本部待次小使臣校尉共一千二百餘員無每日接續參部不下十數員委是負多缺少竊見侍郎左選缺期見使六年奉選乞於見

今使關年限上展使一年差注其後依此使關差注庶幾不致積壓留
滯從之 六月九日張津言吏部侍郎右選見管諸路州軍及監司下差
置指使聽候使喚及發廟差遣專注從軍立功減汰之人每日除地近州
軍下住據在部官指射外內有遠地如二廣路見榜一有五十七關荆湖
南北路京西路見榜一百九十一缺日久無人指射蓋緣從軍立功見在
部人憚於地遠而已在遠地任滿寄居人復無力前來赴部注授不惟食
關之人無亦本部虛榜關次今相度將二廣及荆湖京西路截日終見關
負數行下本州軍並許任滿寄居曾經從軍立功揀汰使臣經州遞連
錄白出身文字委官對讀真本并具立功之故資序高下委保官一
員委保正身不拘州軍陳乞指射五關本州保明詣實申部從上擬差如
同日有在部人指射先在部人庶幾遠地均濟從之 十月十四日中
書門下省勘會使臣出官昨遇季孟月呈試近旨以半年今在部官趙遵
等自陳候欠乞放行十月呈試詔吏部放行一次折州日未止月為七十
六日詔饒州南康軍隆興府江筠州興國臨江軍潭州江陵府合差揀汰
離軍及歸正添差負關憲逐州境內亢旱無以贍給令吏部權免差注候
秋成取旨 九年閏正月二十四日詔應從軍小使自今後在職丁憂典

免武殿 五月八日試太常寺少卿王准劄子欲將揀汰離軍到部人除

授應務差遣又有前任請大添及一年以上依條合差短使外其願就添

差不應務欲廟差之今年六十已上並免短使庶幾從職士士獲恩厚思

從之 以上乾道會要 嘉定八年九月十五日明堂赦又應從軍曾經

立功大小使臣校尉副下班祇應已經揀汰離軍添差一任回合注正缺

間有實緣殘疾不能親身赴部注授之人理宜優恤許台本色官一員結

罪奏保正身令家屬資狀赴部陳乞差注諸州准備差使或欲廟一次十

一年月堂赦小一 同日赦州府合依條保明到小使臣校尉陳乞祖

父母父母老疾合得家便恩例奏選及在外指射差遣之人其間有不

曾達到保明正身并勘驗公據致礙奏選注授其鈔并小使臣校尉到

保官內有不是本等見擬注關可令吏部時與放行一次十一年月堂赦

同日赦小使臣校尉奏選年七十以上從條合奏五十貫以下

場務案關緣無五十貫以下場務是致年及七十以上之人並無關可入

竊慮夫祿可與注軍功殺廟一次其四川州軍元無軍功殺廟案關去處

許注軍功指使聽候使喚不墮務差遣一次十一年十四年明堂赦事如

之 同日赦宗室於在外州軍及經部陳乞殺廟各合名保官二員除初

官部已召保官及已自部判成合注授差遣之人若注獄廟自合就用其經任小使臣已再奉部見理在部名次之人如欲指射獄廟案關亦與免再召保官十一年十四年明堂赦亦如之九年三月九日吏部郎中程覃言臣備員郎曹職司侍右本選一命以上皆有簿籍先遵開列指揮詳批到罷月日獨有諸司抽差吏職殊無稽考比因官賞偽冒之後遂編類頒降諸百官司令差吏職負數行下本部遵守臣自供職以來但見逐要陳乞三年供奉無失乞行推賞取案案籍稽考月日扣問當來有無朝廷劇下悉無有焉惟止取會刑部部官都官保明詣資本部便與放行臣以諸司既有公文保明都官又行勘當度其與弊但右司無所稽考乞自今以始凡諸司差撥吏職充應供奉令各司先申報廷批下都官都官關報右選兩部直籍一如注關分明初上到罷月日仍令赴部出給功過印曆逐考經所備批有過犯候滿日陳乞推賞須要繳付牙赴部詳驗照條格施行庶幾命令出自朝廷有司可以遵守從之十一年九月十二日明堂赦文宗室小使臣依條須寄歷應務一任通不產務四考方許開陞緣從宗室並作四年出關是致眾得產務案關可入多有在部守待勒經年歲病憲淹留旅邸可將宗室產務監當窠缺權展作四年半刷具使

使開出榜并令指射一次十四年明堂教亦如之 同日敕小使臣校尉
陳乞戚里添差初任合台陞朝官二員委保所供宋校圖本即無節略隱
漏開送禮部行下太常寺奉定每服紀畫降指詳下部與注使添差差遣
內有任滿再陳乞添差人入令召保委是重疊可將似此添差經任已曾
召保之人照前任已承指揮與免再召保放添差十四年明堂教亦如之
同日敕小使臣校尉任滿到部合繳印紙陳乞覆校其間或有已成考
任批書督覈本官任內別無不了事仰及無諸般過犯止緣州府吏人一
時不依條式批書在法合召保官及降名次可將上項人與免召保名次
放行參部注授一次十四年明堂教亦如之十四年九月十日明堂敕文
小使臣校尉親民監當指使等正闕見用五年兩季滿限出闕今來尚有
在部待次之人貪數類多竊意淹留旅邸委實可憐即將逐項正任裏闕
除見簡外權展作五年三季副具使闕出榜召官指射一賽 同日敕四
川二廣州軍申到使臣校尉陳乞酬賞定差自合照應見行條式保明其
間有川府案例一時偏行聲說請并器甲整利并法官悉對因依與保明
二字及有定差違合行當官銓量讀律試寫書劄百字以上方許差注近
來間有定狀畫一項內雖該說已親身赴司當官讀律試寫書劄因依其

後項保明內卻止稱已體量或審量事因不曾分明聲說已當官鈐量訖三字若使行下取會動經歲月竊慮近迴留滯仰將上項人自今敕到日如見得別無違礙令吏部特與放行一次 同日敕宗室獻廟及添差不釐務案關依條並條二年或齊滿雖不候替人截日離任並以四年為限出缺近來往往諸州軍並不依時申到逐關到罷是致本部使關不行有妨在部人指射可自今敕到日將逐項案缺照應應赴月日見條四年以下缺次即令刷具盡行使關出榜召官指射 同日敕使臣校尉每年陳乞呈試自合經本貫或見寄居州軍陳乞保明給據並申部照會放行牒試其間有已曾保明給據申部了當偶因呈試不中者次年陳乞再試內有地里遙遠員乏無力歸鄉陳乞保明再試以致淹留在旅旅艱俱失所情實可憐仰將上項人與照已經保明勒元書鋪委保正身放行再試一次內有及三年以上不到部之人自依見行條法保明給據施行 十六年五月二日呂際奏州縣之吏於職則卑於民為親者今是也為親民之官百里咸休所繫詎可以為平而忽之小使臣注授縣令竊聞自有成法近以來武臣不拘經任或初官人與任子同試文銓中選許注縣尉族將來資格當入兩淮縣令即與差注竊詳近制之行蓋謂親民之官曠以稍通

文墨者充之施于有政當亦可觀初意未常不善然冠鵷業儒功名自許
固不妄人而快資並緣博義假手弊亦不少使倖一中則由時而全如狀
如場以若人而寄百里之命立見播闢况兩淮要害之地我猶錄試中仍
須薦試中注官此侍左通用令也左選猶爾况右選乎乞下臣此革今後
使臣校尉文銓試中選人參用左選銓中體例定日薦引仍索真卷比對
字迹一同方許從導嘉定五年以後即次指揮參注非惟
可革代筆之弊亦足以重字人之選從之以上寧宗會要

銓試古選呈試附紹興三十二年八月十八

日壽皇聖帝已即位未改元臣僚言吏部出官格法左
選則有銓試右選則有呈試其制一也今左選銓試約
束甚嚴至於使臣校尉呈試則因循弊倖遂成空文往
往惟務請託例以應格申部欲望明詔有司嚴立法禁
務絕請託之源不惟稍謹入仕之路况右武之世使人

人閑習弓馬而後從仕誠今日之先務從之仍自令呈
試出官令吏部郎官一員同監試 壽皇聖帝隆興元
年二月五日臣僚言今日官冗之弊極矣欲清入仕之
源莫若減任子之法三歲大比所取進士不過數百人
三歲一部以父兄任官者乃至數千人積累既久無怪
乎員日益多闕日益少國用日益不足也詔臣僚任子
見遵祖宗法令理難遽改可令吏部嚴銓試之法自今
初官不許用恩例免銓試呈試並候一任回方許收使
雖宰執亦不許用恩例陳乞回授初官免試在今旨前
不曾銓試呈試見在部并已出官人差注並在曾經試
中本等人之下如願試者聽仍參照格法條具取旨其

後吏部條具依所獲旨施行外不經銓試已出官人有
曾累仕或已闕陞知縣通判慮一既無別欲止將不
曾銓試見在選弄出未歷兩任差注之人在已中銓試
之下使臣校尉在外就補諸軍揀罷使臣等並呈試即
試不中或不願試並依軍功補授到部呈試不中人著
令聽滿五年參選詔從之其使臣校尉等並依舊法免
試二年三月二日臣僚言近多有初官年二十五以上
不曾銓試止用父祖西北戶貫陳乞有礙臣僚奏請初
官須銓試之制措置應官年二十以上離父祖西北戶
貫如未曾銓試中並不許陳乞應格獄廟從之 乾道
元年五月二十七日臣僚言蔭補初出官人法當銓試

承前堂除輒許免試已有禁約近覩將仕郎魏好信等
特差獄廟乃蔭補未銓試之人無法免試正殿近制臣
恐自此源源而來復啟僥倖不止免試而已欲望應蔭
補及初出官人除因許乞特旨與差遣外餘合赴銓試
人無恩例及違格法而冒干堂除得差遣免試之人並
追寢成命庶杜僥求詔自今應初出官人未經銓試並
不許陳乞堂除條入勅令為定法 二年正月七日都
省言今年廷試第五甲進士并特奏名第一第二等人
並不該減所有今年吏部秋試出官人欲權附春試從
之 五月二十六日中書門下省言自來文臣銓試每
年春秋兩試以下十分為率取七分為合格近者每年

止一試十分以半為合格武臣初出官呈試弓馬或七
書義未有去取格式及取人分數欲令吏部兵部比類
施行從之 七月十四日詔都謙亨獄廟差遣罷之自
今執政常遵近制仍戒諭後省官毋更忽慢臣僚言方
申嚴銓試之法謙亨初未嘗試忽吏竊為文而執政受
其欺乞賜施行仍自今初出官陳乞差遣先令吏部供
具已未銓試從之二年二月六日四川安撫制置使汪
應辰言被旨措置四川銓試舊例成都潼川兩府兩路
轉運司輪年併試元無立鑠院引試日辰今措置試院
定用三月二十一日鑠院二十五日引試如類省試四
川舉人即將當年銓試附別試所接續收試承前轉運

司銓試止差本司屬官監試所差之官以預知則僥倖之流未免妄意請託措置欲於諸州見任京朝官內選差有出身文字兼全之人充監試考官并於見任京朝官及選人大小使臣內選差監門封彌謄錄對讀巡鋪官若赴試不及百人即令封彌兼巡鋪謄錄兼對讀承前四川銓試議往往試官以意出題未必皆有來歷今欲令出題令於經史子集須該涉時務庶幾有所考據舊例轉運司銓試皆試院一面拆號放榜今欲於開院前一日具等號狀實封申制置使司長官躬親詣試院拆放所有假名代筆之弊蓋緣門禁不嚴得以傳送又多見燭以至達旦就試人得以餘力為人代筆欲選差

監門官巡鋪官嚴切督責仍不許見燭詔封彌謄錄監門官依吏部差有出身官餘並從之 十五日前權通判融州唐孝穎言竊謂銓試許廣南漕司蓋緣有本窠闕試中即就定擬此祖宗八路之法以去朝廷稍遠故優之也近年吏部銓試之法一嚴則有自別路移籍廣南漕司銓試者暨試中却有移籍赴吏部注差者原立法之意豈如是哉欲乞詳酌行下二廣漕司每遇銓試止許本路上著官并委係西北流寓人在路寄居及七年以上各召保官二員次第經州縣結罪保明方許收試仍試中人不得更移籍赴吏部注差從之 十月十一日吏部侍郎薛良用乞將初受官年滿五十之人

特免銓試許令參部受殘零闕一次從之上謂輔臣曰
近言銓試之法甚良若不能銓試何以治民然而過年
五十恐不復能習程試之大可與放行蔣希曰若受殘
零闕動五六年及其到官且老矣不過易得一階官上
曰善十一月二日南郊赦書勘會舊法初官補授及三
十年并年三十到部與免試自近降指揮並須銓試方
得參部其間有年及五十以上之人令吏部權與放行
就殘零闕參部一次 四年正月二十六日國子司業
程大昌言使臣出官內有不能拍試弓馬人令附武學
私試即與見今文臣銓試一同緣上件人附試武學正
與習七書義士人同場雖不住嚴密關防其附試使臣

往往妄有生疑緣每年春季常有銓試欲乞朝廷附吏部銓試庶幾杜絕疑議為便從之 二月六日臣僚言銓試代筆之弊欲令就試三人以上止五人結為一保並須知識願同者書鋪不許輒與名字射入遇吏部引保當官引問別取審實正身朝典文狀仍每保卷子別為一束發下銓試所遇引試日試官於簾內次第逐保再問正身然後分保試卷蓋在外引保雖正身至試場則代筆人冒入苟不於簾前引問同保欲察無由其代筆並令人代筆自有貢舉條制但問保人未有明法欲將同保人降兩月名次定罪如就試日於試場指識非正身經簾前陳告特與免罪從之 十七日持服楊侯

乞添差姪右宣義郎直秘閣文昂差遣詔以為添差簽
書寧海軍節度判官廳公事不釐務中書後有不書行
錄黃其命遂寢先是宰執進呈楊俠劄子上曰此合得
否蔣希曰未曾銓試然前此未有直秘閣而銓試者上
問當如何希曰若特旨與之則出陛下聖意上曰勲臣
子何可特與添差於是工批楊文昂為勲臣子孫特與
添差五年三月十三日詔正奏名進士該赴乾道二年
殿試因事故不曾試赴殿試人今還試唱名如在第五
甲與免銓試 四月十五日新湖州潮陽縣主簿傅伯
益言竊見諸路州軍發解鑠院皆有定日而銓試今獨
不然名為春銓以二月二十五日鑠院而臨期申展或

以半月或以旬日遠方之人滯留伺候實不易支多有
失職之難欲望每年定以二月二十五日鑲院如遇省
試年分則展至五月不許再展移吏部勘會自來春銓
試為始每年定以二月二十五日鑲院如遇省試年分
展至五月十五日更不申展從之 六年二月二十四
日成都府轉運司言乞將四川銓試中中等第一名與
不依名次餘人止許出官從之仍自降旨日為始 四
月一日詔令四川銓試人並就宣撫司收試餘依見行
條旨施行 五月二十五日臣僚言朝廷嚴銓試之法
近却因緣作八路就廣中銓試臣謂二廣銓試可以併
罷或已試中而願就外差注者聽就部射闕詔吏部將

廣東西路銓自乾道八年為始並罷 十一月六日南
郊赦書舊法初官並須銓試方得叅部其間有年及五
十以上之人并因功賞特旨補文學已經注權官一員
回年及五十以上人並令吏部權與放行就殘零闕叅
部一次九年十一月九日南郊赦書並同此制同日南
郊赦書二廣州軍依條合差攝官去處依舊制施行若
補京官選人如兩經銓試不中願就二廣州縣合入京
差遣者許赴吏部投狀權行注授一次任滿依條施行
九年十一月九日並同此制七年九月二十四日詔今
後武臣每半年一呈試呈試不中年三十文臣銓試不
中年四十選出官仍令勅令所叅酌舊法修立 十月

二十八日詔諸軍揀汰未經添差或曾經添差未赴任
及雖赴任不曾終滿之人今後到部並免呈試 八年
五月六日詔未經銓試不許堂除令三省院常行遵守
二十八日左文林郎陳師正言古者敦宗睦族之道
不患於無恩而患於無教我宋之興恩之教之可謂兩
盡然有未盡者惟宗室恩任子弟而已欲 宗室恩任
子弟於出官日量試銓曹如士大夫子弟銓試之法但
多立其額而優為之制可也更部勘會欲將宗室除依
舊法曾經應舉得解給到干照之人依條許行參選外
銓並量行銓試依見行條法比之外官特優其選別行
考試三人取二人外餘數如文理可採亦聽盡取其三

試終場不中之人亦許不拘年限參選即差注在餘試
中宗室名次之下庶得宗子有所激勸從之以上乾道
會要 國朝會要續國朝會要中興會要無此門

淳熙元年二月十二日吏部侍郎趙粹中言銓試弊倖
今將書鋪五人結為一保如為赴試人尋討代筆冒名

傳義及自外傳入文字犯人每名追賞錢三百貫徒二年
斷罪永不得充書同保人一例施行如保內人告首
與免罪支賞赴銓試人對面親書結保如非正身許人
告首亦依冒名罪賞試大法人別廊不得放令與銓試
人交互相見赴試人擅移案卓並行扶出其巡捕守分
等人失覺察重行斷罪祇應公人等多是遞年作過之
人計囑承替名字或有士子承替入院代筆自今所差
封彌謄錄對讀巡鋪監門所人吏及應干祇應人并兵
級元差官司去處先次責狀保明委是正身如有代名
人赴門頭點名仰諸色人指出每名追賞錢二百貫重
行斷罷簾裏外祇應兵級等並不得差曾經入院之人

從外傳入文字如把門等人捉獲比類支賞錢二百貫
吏人更與本處陞名監門官捉獲取旨推賞並許人告
首所有立定賞錢乞令臨安府先次官錢代支後犯人
名下追理從之 三年二月十一日臣僚言文臣初出
官有銓試之科武臣初出官有呈試之法其試中者始
得放行比來指揮則有銓試不中者年四十呈試
不中者年三十亦許參部注授之法銓試詩賦各一首
或經義五道則有與有司所問之題畧無一語相關涉
者呈試至有弓不能張矢不能挾者雖不中選而年已
及格何害於參部乞自今不與理為已試不中雖已年
及亦不與放行須候再試從之 三月二十七日太學

錄黃維之言銓試無出身人以經義詩賦時議者欲使
之知經史而諳世務也以律義斷案者欲使之習法律
而通文義也程文兩場而試一場者亦聽律義斷案亦
如之今任子之不學者悉試斷案引法斷罪要歸於同
同則均為合格場屋間以次傳授不害其為皆得也律
義必欲能文則不習焉彼所恃者斷案一場可以傳授
甚者身不至場屋賂買他人冒名入試而又門禁不密
有自外傳藁而入者乞明詔有司銓試無出身人程文
以經義詩賦時議為去留刑法以律義為去留斷案次
之斷案一場雖有分數而經義詩賦議律三場俱不中
程度及分數最少並行黜落其合格者參選日詔保職

官二員批書印紙令吏部覆試依太學簾試諸生法則
可以革去冒名代筆之弊從之 四年七月十二日馬
軍司言吏部侍郎司馬伋奏第二場呈試人不以斗力
多寡通以本等弓射射取其中的中帖中梁以箭之分
數多寡為應格本司照得武臣授官依法呈試為其有
斗力高下名次相壓今乞並令射親仍於本等弓斗力
內立定分數昨來呈試到梁便為應格今來既中的中
帖中梁箭分數多者為應格其射不到梁箭作不應法
黜落一項合行除去所有射親箭數欲依法以一中的
比二中帖一中帖比二中梁四中梁比二中帖材武并
第一等呈試人共取二分半第二等呈試人共取一分

半如分數不及與材武并第一等呈試人通取四分第
三等呈試人取一分從之 五年二月六日侍御史謝
廓然言小使臣初官呈試宜與銓試一體今乃不然凡
曰出彊曰接伴曰館伴曰使相宰執奏辟使臣一或占
此不三數月或旬日間便可作經任人暗免呈試參選
孤寒無力乃始就試往往試人絕少乞自今如前四色
許遵依元降指揮依舊辟差外內未經呈試人將來到
部亦候呈試預選方得注授從之 八月二十七日詔
出官人銓試呈試雖已各立定格目深慮講明未盡尚
有遺材合再添場數內銓試雜文字一場如宏詞六件
大字內聽習一件有司明其出處命題書判一場同唐

人格呈試添斷案一場書判一場各聽以所長求是如
有數場並試文藝優長之人有司臨時具奏當議陞擢
以旌其能令吏部參酌考校等第并分場格目條具以
聞 六年正月九日詔近已降指揮令武臣呈試材武
或三等弓力事藝或七書義三色依舊法外內呈試第
二等第三等弓力人並令添試斷案一場仍止試一道
問目少立條件比文臣銓試題一半 三月一日臣僚
言文官每歲止銓試一次其使臣出官却於春秋仲月
兩次呈試乞自今依文武銓試例每歲止於春季收試
一次從之 五月七日詔右選呈試除武學及軍班出
身曾經打試及身力戰功人或揀汰年及五十人并陣

亡人親子孫許與免試外其他不以名色出身及何恩
例並須呈試中方得出官如經試不中須文臣年及四
十已上方得參選注從吏部尚書程大昌請也 七年
二月十二日臣僚言國家嚴銓試之法為主文者固亦
不可不重其事比年斷案命題乃輒加以戲謔之詞取
花果藥物以為人名乞自今合用人姓名一遵舊例只
以姓之偏傍或甲乙丙丁設為問目詔自今只用人姓
名為題 二月二十四日臣僚言武臣呈試出官係是
材武及三等弓力以十分為率取五分昨來措置將材
武與第一等人共取二分半第二等取一分半第三等
取一分緣當時不立定合格箭數故第一等有數箭中

梁而本等分數已足致取不到其第三等却只一箭中
梁取中者因有詞訴後來更不分等馬軍司止從上叫
及五分乃為足餘人未嘗得試便當黜落兼照得近降
指揮第二等第三等呈試弓力人添試斷案一場目今
陳乞試此二等弓力人數少今參酌措置三等人所試
如射親箭數同以等第為次若等第同以元牒字號先
後為次馬軍司看詳除材武人依舊法取放將三等_人
不拘等第以親射四箭以上人為合格通材武共取五
分之數如取及五分餘雖合格並令次年再試如取不
及五分亦欲以次三箭已下依等第從箭數多者取之
吏部看詳自今呈試第一等第二等事藝並令於每歲

二月上旬為始赴部投納試卷往類試所收試就銓試官出題考校分優平二等不拘分數取放內文理全不通者即行黜落從本部牒馬軍司於牒到本月內選者依馬軍司已措置事理將材武并三等人盡行呈試以箭數多寡比較十分取五分合格之數內第二等第三等添試斷案文理優通之人即與陞一等比較其通平者止依本等若呈試不中或箭數少不及之人理為已試中斷案今年止呈試本等事藝從之 八年八月二十五日詔自今恩澤降等文學出身並須銓試以潼川府路轉運判官虞似良言銓試之法實作成人材之要術而恩澤降等補授文學乃獨免銓試赴部注擬蓋

謂恩澤降等文學初任權入不理為任所以免試殊不知當官臨民則一也若權入一任得舉主次又可免試則終身不試矣今宰相子弟第五甲出身尚且銓試何獨於降等文學而可僥倖故有是命 九年正月十九日詔二廣土著人權令就本路呈試許定差外其諸路戶貫之人自來年為始更不許赴二廣呈試如違從貢舉條制施行以吏部侍郎蕭燧言項年因臣僚言有請乞罷二廣銓試以革僥倖之弊乾道七年三月詔吏部將廣東西路銓試自乾道八年為始並行住罷惟是武臣呈試弓馬或七書義二廣仍舊其試中人定差一次却移籍參部亦有本部試中未經定差徑來參部者事

體未均故也

六月十八日詔除恩科人外自今文學

銓試中並許出官以吉州文學方若水狀近觀指揮除恩科外今後應文學並銓試出官若水近赴銓試中給

到公據乞參選準告示遇赦方許出官吏部指揮定文

學既令銓試若試中人自合依已降指揮出官難以更

令待部祀故也 八月四日詔右選呈試打碓弓弩鑒

箭喝法令殿前司馬步軍司將校等監視依元差撥外

差識字諳曉弓馬大小使臣二員充監視打碓弓弩官

及掌俵散弓弩一員充監視鑒箭喝法官及掌試材武

射親從樞密院於呈試日臨期於三衙將副內差撥令

吏部馬軍司各置帳籍遇揀到中箭呈過馬軍主帥及

本部監試官兩處當官各行注籍 十年三月二十八

日詔銓試添試雜文指揮更不施行以工部尚書王佐

言添試雜文所試一制纔二百餘字格式有定儻能默

誦一二十篇便可參錯迭用非若詩賦拘以聲律限以

押韻之難故也 十一^月二月二十一日宰執進呈郭

鈞奏乞今後呈試四箭已上掣取不到之人理作次年

合格之數上曰且已雖姑息目前若積聚得人數多却

不可行不如只依舊法 六月十一日臣僚言仰惟治

朝百度振舉尤嚴銓試之法姦弊至多革去殆盡惟傳

題代筆之弊今猶存也臣嘗深究其端蓋緣試院所差

兵士等人多非正身往往臨時顧眷致令老姦宿猾熟

於試院者得以詭名執役因而在外先與代筆人私議
賄賂俟引試日內外通同巧為假手之地試題程文旦
出幕入有司防閑愈備而小人姦計愈生雖嚴為法禁
以曉之然惟利是圖曾不顧也乞自今試院合差兵士
等並須合于人委保正身不得以曾被差人充如有違
戾必寘于法庶幾姦弊盡革以示取人之公不為小補
從之 七月二十九日詔今後四川銓試刑統義添作
三道從臣僚請也 十二年六月十八日詔今後小使
臣呈試出官如遇有擬定差遣合試驗弓馬人依舊用
春秋仲月兩次引試從吏部侍郎余端礼請也 十一
月二十七日詔今後呈試材武令吏部馬軍司嚴行約

束合千軍校等人須管依法打誣喝放毋縱仍前作弊
從臣僚請也 十二月二十一日臣僚言竊見銓試之
法近至於權貴遠至於寒畯其子弟以門蔭補官者非
中銓試不許出官此近世之至良法然臣竊惟以國
戚而與宮觀差遣者如張似續有以勲臣之後而特差
帥司幹官差遣者如楊文昌有特令吏部差充憲司差
遣者如劉球此三人者問其嘗中銓試乎則曰未也臣
聞古之行法者必自貴近始捨貴近而行於疎遠則天
下不服而法廢矣今有未嘗中銓試之人而得出官是
銓試之法為虛器也乞明詔執事自今以始有出於一
時之除授而未察其嘗中試與否者令吏部勘當中中

書省及給舍臺諫如係未經中銓試之人許給舍得以彈罷雖嶽廟宮觀帶貼職者亦在所不與蓋貼職者天子之優恩也非可假此而免試也嶽廟宮觀者雖非臨民也然已經出官臨民之漸也非中銓試不以貼職而出官不以嶽廟宮觀而臨民則偉門塞矣然後銓試之良法可以經久而不壞出官臨民可以得人而不濫從之 十三年二月二日詔今後呈試材武人並令依格射弓踏弩從吏部侍郎余端礼請也 十五年六月三日宰執進呈給事中鄭僑繳奏王良輔免呈試放令參部上問從軍人如何出官免得呈試周必夫等奏舊法呈試中方得出官淳熙十年放行曾經從軍免試一兩

人遂以為例上曰鄭僑繳章說既曾從軍自合習熟武藝何憚呈試如赴呈赴不得前此從軍所習何事此說其當可依舊法施行於是詔依已後準此僑奏仰惟陛下創法立制犁然當於人心可以萬世通行而無弊者文臣出官銓試武臣出官呈試是也歷歲以來有司謹守奉行不敢加毫末私意於其間可謂嚴矣偶緣淳熙十年有進義副尉何大亨者以蔭補出官自陳元係充効用人乞免呈試參部有司巧為申明遂蒙特旨與免呈試此弊一開後來之人遽於攀緣遂使一時特旨直作永遠成例故十一年則有保義郎項致明承節郎裴守承信郎杜可大十三年則有承節郎劉珣承信郎王

簡十四年則有承信郎陳斌承節郎湯信皆是用例陳乞並特降指揮免試參部今來王良輔又安得不引此而求免呈試乎此例已行臣恐數年以後呈試之法遂為虛設矣契勘在法諸蔭補人應赴選者依三等格送馬軍司呈試此意甚明白也其間亦有免呈試者謂江海船立功補官之人則法許免呈試諸軍揀汰離軍之人則法許免呈試即未嘗有初投効用後因蔭補出官與呈試參部之法也惟淳熙元年指揮軍中奏補有官子弟不願從軍之人特免審驗放令參部夫審驗者謂察其身年呈試者謂校其藝此法又不相關矣若曰彼嘗從軍何必呈試此則法之所在又不容以幸免也

使彼果精於武藝則一試之頃又何畏而求免于今若聽其展轉相承用例廢法則他日微幸之徒必有竄名冒籍於軍伍之中以為免試張本者弊未已也臣竊謂淳熙十年以來至于今日其免呈試者幸未至泛濫尚可革而絕之以防他日之弊伏望申嚴此法自王良輔始特將今來免試參部指揮更不施行仍照有司恪守成法自今雖曾從軍人後用蔭補出官離軍必須呈試中選方許參部庶幾杜絕冒濫循法而行知所勸免矣

淳熙十六年十一月二十三日詔宗子_時來見行陳乞覃恩補官人並候銓試出官其已參選人候一任回銓試中方許到部不許用舉主免試等恩例從吏部所

請也

紹熙元年六月十一日吏部侍郎余端礼言竊

見年來試闈姦弊百出因吏部掌行銓試察加考究見
得六曹寺監等處差到人吏下至翰林帳設司等人例
皆竊帶游手入院以為肘腋通同作過萬一事敗令代
罪名主謀受賄畧不相及今銓試鏤院日逼深恐未易
頓革乞今後似此等人並不許私輒帶入試院如果是
局分事繁令本局人吏踏逐保明素有行止人中乞係
籍或作有過與同罪庶幾少破姦謀以戢弊源從之 八
月九日國子司業計衡言乞下吏部今後將銓試中選
之人令長貳郎官遵倣中書覆試太學簾引之法量試
小經義一首或小賦一韻或省題詩一首試中然後參

部出官注授差遣否則再候銓試如此則膏粱之子皆知向學而假手傳義代名之弊可以盡革雖有高賢者亦無所施其巧矣從之 二年四月二日吏部條具下

項 一簾試去處合就本部長貳廳前排設座次引試

一京官選人簾試各隨本選長貳郎官出題引試如有避親請不干礙官出題考校 一引試日官員各合冠帶入試令書鋪戶責狀識認正身 一合令試人投納試卷前連家狀并草紙仍聲說所習名件 一照得臣僚申請所降指揮內係令試小經義一道却緣銓試人只試經義五篇不試小經義今合令試本經本冒頭一首或小經義一道或賦一韻或省題詩一首 一候

指揮下部日出榜令銓試中人投納試卷不拘日分人數引試合下國子監關借韻畧一百本并合用出題經書及試案一百隻 一所有宗子係是量試中出官更不簾試 一所有銓試不中終場之人引用年及四十陳乞出官之人自有見行條法更不簾試 一所有同進士出身并恩科人銓試止試刑統或斷案若試中之人不須更令簾試 一四川安撫制置使司銓試乞候今來本部簾試了日行下本司照會一體施行 七日國子監供具太學簾試節次如右 一引試日請長貳判請博士正錄各一員同共垂簾出題引試 一士人試畢親於簾前納卷先呈博士正錄考畢呈長貳定高

下資次揭榜曉示所有考校到不糊名更不謄錄若文理通並無點落

一照得淳熙十一年顏師魯任內有

補中學生沈良傑係簾試文^理紕繆尋勒再試亦^理紕繆已行駁放以後別無文理不通^理紕繆之人

二^理二月十

四日詔自三年以後任子不試律義者無得獨試斷案如已試律義而後欲試斷案者聽惟不得以斷案輒當律義之數從^理禮部尚書李燾請也

四月二十七日宰

執進呈黃由奏銓試已添律義不須更用簾試上曰簾

試正以革代筆之弊正當加嚴豈可廢也

十一月二

十七日南郊赦初官不曾銓試其間有年及五十以上

并因功賞特旨補文學已經注權官一任同年五十以

上並令吏部權與放行參部注殘零闕一次初官依條
年四十銓試不中注殘零闕之人如一任同應有恩賞
恩例許收使一次 同日赦應材武格法年六十以上
人可使吏部長貳銓量人材精力未衰堪充兵官者與
免呈試許指射 三年八月二十四日權工部侍郎兼
權吏部侍郎謝深甫言銓試不中年及四十人許注殘
零闕夫既云銓試不中則其於文義未必通法理未必
曉豈應遽然授以職任乞將銓試不中人到部日令本
選郎官就長貳廳寫律一條以授之俾之解釋律意不
問文采止直說數語如定奪公事之辭或願試省題詩
小賦小經義者亦聽但義理稍通使與參注如或不通

許再到部如此則不致以情然不通曉之人而使之從仕也從之 紹熙五年九月十四日明堂赦勘會初官不曾銓試其間有年及五十以上并因功賞特補文學已經注權官一任回年及五十以上並令吏部長貳銓量權與放行參部注殘零闕一次自後郊祀明堂大禮赦亦如之同日赦勘會初官依條年四十銓試不中注殘零闕之人如一任回應有恩賞恩例許收使一次自後郊祀明堂大禮赦亦如之慶元元年三月二十五日臣僚言臣近者差充類試監試官因見有關防盡他日合行措置事件 一訪聞代名就試之人自入都門已代其身書鋪保官皆不知也既中之後簾試注擬亦是

代身及他時之官始是正身至罷官到部別移書鋪則其迹泯矣今欲乞令書鋪具見在鋪銓試中人姓名申部照證如後來移鋪則令前來書鋪識認如有差異即與從條坐罪庶息代身之弊 一尋常銓試第一場係在簾前逐保令書鋪識認至第二場則不復至簾前止將試卷縛在試案上緣就試人多是移案坐次難尋乞今後逐場令保頭赴簾前請領卷子分給同保之人并申嚴搬移之法庶息此弊 一謄錄人係於臨安府轉運司差撥貼司其人多是避免入院雇募頑猾曾經作過之人抵替兼恐損壞試卷通同裏外作弊乞今後須要正身仍封臂書其姓名差手分一名管押入院如有

改換差誤即將手分并代名人重作行遣 一騰錄官
多差在部選人而監中門則是臨安府通判是致騰錄
吏弊全無忌憚乞今後通判專監騰錄却差職官充監
中門庶幾輕重得宜可以無弊從之 十月五日臣僚
言竊謂官冗之弊莫甚於今日而初官為尤甚凡一闕
而三四人共之需次至八九年之久良由入仕之源不
涸偽濫者衆故賢愚有同滯之歎國家每歲春銓任子
率二人而取一選至優也使所取皆得其人則位無虛
授何患官冗比年以來世祿子弟不務力學但以貨取
假手傳義冒名入試至有全不識字而僥冒中選者異
時使之臨政不能書判則委之吏手必為民害竊見特

奏名進士殿試元係二人取一名頃因議者謂入仕冗
濫請增為三孝宗慨然從之由是所取頗精欲乞自今
任子自來年為始銓試亦以三人取一姑以三年為率
俟其藝業稍精則復舊制庶幾任子皆知勉學而無貨
取之私異時從政且有得人之効官冗之弊可以少革
從之 二年二月二十七日吏部言每年銓試於二月
二十五日鎖院如遇省試年分依指揮展至五月二十
五日更不申展竊見國子監申混補用四月十五日鎖
院照得乾道八年大學混補係於六月內附銓試一處
鎖院所有今來銓試出官緣今年係諒閣榜恐有合就
試之人委是相妨乞照逐舉省試年分依紹熙四年用

六月十日鎖院從之 六月十三日詔進士第五甲并
恩科人銓試照舊法兩人取放一名餘並照近降指揮
施行先是勅賜同進士出身李大有等陳乞竊見臣僚
奏請以任子藝業未精權將銓試三人取一人於有出
身人難以雷例施行都司擬到進士第五甲係曾過省
及特奏名老於場屋之人即與其他宗室推恩并任子
不同故有是命 九月二日宰執進呈京鏜等奏內批
太皇太后姪孫通直郎吳銓用其兄鈞例添差轉運司
屬官差遣以通直郎而得屬官不為過當但此人未經
銓試昨來吳鈞乃在未嚴銓試之前今來吳鈞乃在指
揮之後恐於銓法有礙上曰既礙銓法不若已之 三

年十月六日宰執進呈內批婕妤楊氏親姪承節郎楊谷等差充閣門看班祇候京鏜等奏兩人未曾呈試莫若候來春試中而後與庶不礙法上曰未呈試於法有礙遂已四年二月三日吏部侍郎謝源明言乞遵用孝宗隆興之詔銓試十八而取五誠為中制若代筆傳義挾書照累降指揮禁止所有宗室銓試亦依此施行詔依自慶元四年為始六年閏二月三日臣僚言吏部每歲一銓蔭補子弟各召保官二員然後收試其中選者即時簾引再引再中然後參部注授若使人人務學下筆能文銓試之名是其自取則學優而仕馴致通顯今則不然每過就試即擁高貲而來經營書鋪等人

代身代筆安然中選前後約束非不謹試犯者或至失
官此風既久漸不可革竊見所在士人應鄉貢漕司進
士舉及就鋪到省人並是本貫節次勘會保明中州申
漕申監申部其間亦有召保官者蓋緣就試之人惟本
貫知之最詳今蔭補子弟受父祖世賞居鄉亦久賢否
優劣人所共知及其就銓不責以貫保明反就此間書
鋪求保及其引試却關集鋪使之識認正身是何切切
於士子而闕畧於命士乞今後應赴銓試人須經本貫
州縣先次勘會保明指實并召本等官兩員委保正身
堪赴銓試結罪保明申部方許收試其隨侍在京任人
亦仰於隨侍去處如前召保施行兼慮州縣保員不多

拘於五次作保之限乞特許七次庶幾保員稍寬免有
沮格從之 嘉泰元年正月二十日臣僚言臣嘗具奏
欲將日後就銓試人各經本貫保明併從本貫就取試
人親書家狀連中以憑將^本比對字跡免有代筆之患
去年明堂臣僚合該奏補其諸州保明文字到部或有
先後兼大札以後假故頗多奏鈔亦有遲緩尚有合該
奏補人親身在部伺候至今未得綾紙者亦有隨侍遠
方或居在遠郡伺候綾紙未到一面起離前來待試者
似此之類各未有綾紙可照若聽其迂回保明則其間
遠郡必有赴試不及之人今取試期尚有四十餘日乞
將慶元六年該遇明堂大札奏補合赴今年銓試之人

續得綾紙未能經本貫保明者且許就所在州軍陳乞
辨驗如委是去本貫稍遠仰即時批書保官印紙就取
親書家狀保明連申一次其當年大札以前應係補官
就試或已經試下再來就試人並照已降指揮及親書
家狀連申一節事理施行仍令吏部疾速遍牒合屬去
處及出文牒曉示詔今後如遇大札年分合赴次年銓
試之人吏部前期檢舉行下所在州軍照此施行 開
禧元年正月十九日臣僚言皇朝用人以進士一科為
最重近年以來盡公者鮮挾私者衆科舉之弊日滋或
先與試題或私為暗號往往得志如公試上舍試銓試
之類皆循舊例不置別試所間有合避親試卷止是避

房往往並在收取之例其初不顧嫌疑繼之遂成私曲臣以謂莫若於公試銓試上舍試之類並仍置主管避親官不置別試所俾之牒試以示至公如是省試年分即分別試所有孤經者令改經就試詔令礼部契勘既而本部言國子監看詳累舉體例省試四川類試太學諸路解試並皆置別試院所以杜絕親故私取之弊法意已詳獨銓試公試上舍試凡有親戚止是避房不令別試雜以他卷謂之裏送其間豈無私嫌今令別試避親寔可以痛革其弊其銓試人多使就別院從之 二年二月二十五日臣僚言銓試之設政欲取能文曉法之人出仕近年以來弊端百出至有把頭兜攬者交結

合干吏卒計會題目在外撰述所謂試人但塊坐守待傳入謄寫上卷又有說名入場者謂如甲有官却不就試止將名字厚價賣與乙代名入院為人假手或有官之人公然受財代筆甚者至於折換真卷移易姓名洎至揭榜往往多是懵不曉事之人預選是致真才碩能枉被黜落欲令監試多方措置重立罪賞嚴行禁戢務要盡革宿弊使孤寒才學之人得遂寸進詔令日下措置關防出榜曉示具已措置事件申尚書省仍仰臨安府選差有心力總轄使臣於貢院四圍及毗近寺觀邸店舟船去處廣行緝捕如失覺察重作施行 九月十八日臣僚言應科場試中卷子乞與比並筆迹以革代

筆之弊且如銓試雖有吏部簾引亦不過關防文理不通之人其換卷代筆元不可革今乞將試中卷子文理優通之人更與比並筆迹則代筆之弊自不容於不革及簾試卷前草紙書寫文藁並須存留不許塗抹從之

嘉定四年六月二十八日臣僚言臣聞周官之訓有曰學古入官議事以制政乃不迷蓋非斷制則不能議事非學古者不能斷制今銓試之法有詩賦經義以考其平昔之所習有刑統大義以驗其律令之所長而又立為時議一場采取前史施行之迹俾得詳論而熟訂之因古之事而可達於今日之用揆今之宜而不失於古之意斯亦周官之遺訓觀人之要法也然自立法以

來其習時議與不習者從其所願因此銓闈專以本經律義為定其一日之長僥倖以得者固多而預剽旁竊乞靈借助亦已猥衆反或藉此羅取前例而真才寔學之士或拘於一篇之聲律或因於一辭之屬比至於遺逸而不收事體倒植誠為非便夫銓試雖曰聚華腴之子弟而名門俊秀種積充富俛首於其間者亦非一人誠得以時議展布其所學則雖不待於科舉之遍試廷陞之射策而有用之才大畧可見今已鎖試乞戒考官於時議一場精加考校以時議被采擇者俾居前列庶幾公卿子弟翕然興起博覽史籍以副選掄其於國家儲養才用非為小補且使假手偽冒之輩不得僥占前

例之所懲戒是亦革弊之一端也貼黃照得銓試之弊多是白身士人假借不赴試或已亡任子綾紙影帶入場有一人而代四五人者有買囑合千人自外傳入者有多帶懷挾公然抄寫者占名之後雖有簾試姦弊尤甚乞行下試院申明行條令務在必行毋為具文從之